

# اگ دے آمب

مراٹھی افسانے



انیل چوہان

11/5/11



اک دے امب

***Pdf by Ehsan Awan***

***03458711418***

***03027642151***

اک دے امب

(کمانیاں)

انٹل چوہان

پاکستان پنجابی ادبی بورڈ

15/17 آؤٹ کال روڈ سنت مکر، لاہور

ISBN - 969 - 411-130-7

نالی

اکادمی ادبیات پاکستان، اسلام آباد دے مالی مل ورتن نال چھاپی گئی۔

پرنٹر پبلشر محمد آصف خاں نے پاکستان پنجابی ادبی بورڈ، 15، 17 آؤٹ فال روڈ، لاہور  
لٹی برکی آرٹ پرنٹرز، 43 - ریسٹنگ روڈ، لاہور توں چھپوائی۔

پہلی وار: اگست 1994ء

مل: 30.



مدر ثریا  
عبدالستار ایدھی  
تے انصار برنی دے نال

پتہ: ...

## پہلی گل

بورڈ مین تائیں کہانیاں دے 19 پر اگے چھاپ چکیا اے جیویں (1) اکبر کہانیاں  
(2) چرے دی موت (3) چنے دے اوہلے (4) قصہ کہانی (5) ڈو نکھیاں شاماں (6)  
بیتیاں اکھاں والے (7) مٹی اُتے ریک (8) چو نویں کہانی (9) شر تے سفے (10) اک  
اوپری کڑی (11) کوک (12) نگر دے پھل (13) وگدا پانی (14) کالیاں اٹاں کالے روڑ  
(15) میں تے میں (16) بھگ (17) مناکوہ لہور (18) نوری (19) کہانی۔ تہاڑے ہتھ والی  
کتاب کہانیاں دا 20 واں پراگا اے۔

”اک دے امب“ راہیں اٹل چوہان سانوں ساڈیاں سماجی قدراں وچ پین والے  
کھپاں نوں پورن لئی کچھ نویں بھا دیئا لہدا اے۔ اوہیاں کہانیاں دا سارا تہ  
سب اجوکے سماج دا انسانی پدھرتے رکھ کے ویرا کرنا اے۔ اوہ لوکاں وچ رل ورتن  
دے سمجھتے اوہدے اسارے لئے آہیاں کہانیاں وچ نویاں آساں، نویں باساں بھردا  
نظریں آوندا اے۔

کہانی مین ویلے اٹل چوہان دا ورتارا کسے پرچارک دا نہیں ہوندا سکون اک  
اسے لکھیار والا ہوندا اے، جیہڑے اپنے لوکاں دیاں ساہواں وچ اوہناں دی بھونئیں  
دی خوشبو رلا دیئا اے۔

محمد آصف خاں

## ویروا

- 1- دیاں دا راجا 11
- 2- پھر دیاں رگاں 17
- 3- تخریب کار 20
- 4- ماں 24
- 5- وقت دا انتقام 26
- 6- ارداس 31
- 7- اک دے امب 35
- 8- ماس 37
- 9- درد دا احساس 42
- 10- اقبالہ بیان 47
- 11- کچھ 51
- 12- سک 54
- 13- خشبو 58
- 14- پھلاں دا بھار 61
- 15- گنڈھڑی 63
- 16- سوی 69
- 17- کانڈ دی بیڑی 74
- 18- سیاست دا کھیڈ 79



## دیساں دا راجا

دور کتھائیں ڈھول پئے وجدے من تے شرباء دی سروچ وت کوئی الاپدا پیا  
ہئی۔ گیت ادھا گیت جیسر ہک بھین دی اخلاص بھری محبت تے ویر کان جند جان قربان  
کرن دا ہو خوبصورت اظہار اے۔

”دیساں دا راجا میڈے بابل دا پیارا“ امڑی دے دل دا سارا۔ فی ویر میڈا  
گھوڑی چڑھیا۔“ تے ر ممتاں دی روح وچ دھماکے تھیندے پئے ہن۔ اوندی ساری  
زندگی ہک کتاب آنگوں اوندے اگے ہئی۔ تے اوندے ورق آپے اسی کھلے  
ویندے ہن۔ اوندے دو ویر ہن اوہ سبھ توں وڈی ہئی ڈو ویراں دی کہو بھین۔ اوں ہر  
ہک بھرا کوں آپے پیار نچھاور کیتے، ہر ہک کوں اپنی کھڑپا، پاؤا کیتا۔ ر ممتاں کوں  
وڈا بھرا صدیق یاد آیا جیو کوں او آپے کول ٹیندی ہئی تے وت اپنی بھولی بھالی آواز  
وچ سیندی ہئی۔

”پھلاں بھری چنگیر تے ہک پھل چنبے دا۔ چنبا کلی نہ توڑنی ویر میڈا مارے  
گا۔“

صدیق کوں ایسہ لفظ بھوں پسند ہن کیوں جو اوندے وچ اندی انا کوں تسکین  
ملدی ہئی۔ اوندی مردانگی دا اظہار تھیندا ہا۔ اوندے ککے ککے ہتھ جیج ککس کوں  
مارن کان اٹھ ویندے ہن تے او بھین کوں آہدا ہا۔ ر ممتاں بھین وت آکھ ایساوت  
سناتے ر ممتاں وت اوہا بول سیندی تے صدیق ایسا بول بنداں بنداں سم ویندا ہا۔  
او کجھ وڈا تھیا تاں اوندے جنڈے ٹہن لگ پیا۔ ماء پو ایسہ حالت دیکھ کے بھوں  
کھلے جیویں اوہناں دے پتر کوئی بھوں وڈا تیر مارا ہووے تے ر ممتاں جنڈے  
چمڑیداں چمڑیداں رو پوندی تے ٹال سوچندی ہئی۔

”میڈا ویر ہوو ککس کوں مارے نہ مارے میکوں مارن جوگا تاں تھی گیا اے۔“  
صدیق توں بعد قادر وی ر ممتاں دی کھڑ وچ وڈا تھیا تے راتیں اوندے کول

لیٹ کے ادا بول سن کے آپنی اناکوں تسکین ڈیندا رہیا تے وت ر ممتاں دے جنڈے  
پشیندا رہیا۔

ر ممتاں کہیں ویلے مجبور تھی کے ہتھ چا باہوے ہا تاں اوندے ماء کوڑجک ویندی  
ہئی۔

”شرم کرتوں وڈی ایس اپنے ویراں کوں مریندے تینڈے ہتھ نہیں ترٹدے۔“  
تے ر ممتاں سہم ویندی جیویں او کوئی بہوں وڈا گناہ کر بیٹھی ہووے۔ اوندے  
ڈوہائیں بھرا اوں توں نکلے ہونن دے باوجود وی اوں تے ڈاڈھے ہن۔ کیوں جو او مرد  
ہن۔ پتہ نہیں اسہ ر ممتاں دا قصور ہئی یا ر ممتاں دی تقدیر جو او عورت ہئی یاں وت  
خدا اوندے نال اسہ نا انصافی کیتی ہئی۔ ”بھلا خدا کیوں نا انصافی کر سکدا اے۔“  
اسہ سوچ کے او کنب ویندی ہئی۔ سماج دی نا انصافی دا اوندے ذہن اچ تصویر  
دی کو تھی۔ اوں کوں ہر کم خدا دے یا تقدیر دے متھے رونا سکھایا گیا ہئی۔ صدیق  
میزک پاس کر کے کلرک لگ گیا۔ اوندی زندگی اچ تبدیلی آگئی۔ گھر ریڈیو آگیا تے  
صدیق لگا برے کے عشقیہ گانے سنن لگ گیا۔ ر ممتاں دا ہن وی دل کریندا ہئی جو او  
صدیق کوں ادا بول سداوے۔

”دیر میڈا مارے گا“ تے اونویں آر صدیق وت وت سنن دی تکرار کرے بھلا  
صدیق کوں او زمانہ وی بھل گیا ہئی۔

ر ممتاں دی ہک سہیلی ہئی پھلاں۔ ڈوہائیں! کٹھیاں قرآن پڑھیاں ہن۔ او  
بچپن دا زمانہ ہئی ہن ڈوہائیں! کٹھیاں پٹھے کہن ویندیاں ہن۔ وت پھلاں اوں توں  
وگھری وگجن لگ پئی۔ ر ممتاں کوں ایس گالہ دی سمجھ نہ آئی او کہیں ویلے اوں کوں  
لے تے اوں توں کچھ پر پھلاں نال وگجیں تے ہس پوے تے اوندے جنبے آنگوں ڈنڈ  
بلیٹیاں دے گلاباں نال لشکارے مارن لگ وگجن تے ر ممتاں سوچے اسہ پھلاں وی  
”پھلاں بھری چنگیر“ آنگوں اے۔

ہک ڈنہ صدیق ایس حال وچ گھر آیا جو اوندے سر زخمی ہئی تے کبھی بانہ ترٹی  
ہوئی ہئی۔ ر ممتاں کوں ماسی پھلاں ڈسا جو صدیق پھلاں نال ڈھیری آلی بیر تے گالھیں  
کریندا پیا ہا جو پھلاں دا پو آگیا تے اوں ڈانگ نال صدیق دی مرمت کر ڈتی۔







غلام علی دی بیمار ماں منجی تے لوہی تھکندی ہئی جیندی وجہ توں قاقاں دی فوت آگئی۔ رمتاں گمراہ گزارا چلاون کان گمروچ ہک کئی جیسی پرچون دی دکان بنا چھوڑی۔ رمتاں دی ڈنہ رات دی محنت نال گمراہ خرچہ دی نکلن لگ پاتے کجھ بچت وی تھیون لگ پئی۔

قادر دی پڑار بھوں ڈنہ نہ چل سکی او رشوت دے ہک کیس وچ نپا گیا۔ اوندے پو اوں کوں چھڑاون کان رات ڈنہ دی دوڑ دھوپ شروع کر ڈتی۔ آخر اوں کوں رشوت دا امہ کیس ختم کراون کان وڈی رشوت ڈیوئی پئی۔ اوں اپنی زمین وچ کے اپنا پتر تے اوندی پڑار بچا گھدی۔ بھلا ہن او خالی ہتھ ہا۔ اوں زمین وکن دا ڈکھ ہاں نال لا کھدا تے منجی تے پو گیا آخر امہ منجی اوں کوں قبر وچ کھن گئی۔

رمتاں کول پیسے اکٹھے تھیون لگے تاں اوندی ذمہ داریاں وی ودھن لگ گئیاں۔ اوندی ہک بچی جم پئی۔ اوں غلام علی ویسٹ باہ کے کھاندا کھاندا چرس دا چسکا وی کرن لگ پاتے امہ چسکا ودھدا ای ودھدا گیا۔ قادر دی ماں اوندی شادی دی گالہ بات شروع کر ڈتی۔ شادی دھوم دھام نال تھیوئی ہئی۔ صدیق تاں مدد کرن توں سکا انکار کر ڈتا رمتاں دی جمع پونجی چار ہزار ہئی اوندی ماں اوں کول آوڑی اوں وت اوں کوں سمجھایا۔

”دمنے بھیناں ہونڈیاں کہیں کان ہن ایسے کان تاں ہونڈیاں ہن جو ویراں دی زندگی تے قربان تھی وئجن“ رمتاں کوں امہ گالہ سمجھ آگئی اوں اپنی جمع جتھاں دے حوالے کر ڈتی تے وت دھوم دھام نال شادی تھی۔ ریکارڈ وی وچے تے امہ گیت وی ولا ولا کے اکھا گیا جینے نال رمتاں دا دل وی نہدا پیا ہئی۔

”دیاں دا راجا میڈے بائل دا پیارا۔ امڑی دے دل دا سہارا۔ نی ویر میڈا گھوڑی چڑھیا۔“

ایویں دیاں دا ڈوجھا راجا تے رمتاں دا ڈوجھا ویر گھوڑی چڑھ گیا۔ ایس شادی توں کجھ عرصہ بعد رمتاں دی ماں مر گئی۔ رمتاں اپنی محنت وچ لگی ہوئی ہئی تے خوش تھکندی ہئی جو اوندے ڈوبائیں راجے آپس وچ وڈے اتفاق نال خوش پئے

وسدے ہن۔

وت اوہتاں ٹال آلے شہر وچ ہک پکا مکان بنا گھدا۔ ر ممتاں آپنی ہٹی دا سودا  
کمنن کڈائیں کڈائیں اوں شہر وچ ویدی ہٹی تاں بھراواں دے گھروی وچن وڈوی  
ہٹی۔ اوہتاں دے بالاں کون پیار کر کے کچھ ڈے آندی ہٹی بھرجائیں بھانویں دل ٹال  
اوں کون چاء نہ پلیندیاں ہن۔ بھلا ر ممتاں خوش ہٹی۔ اوندے دیساں دے راجے جو  
خوش ہن۔

غلام علی چرس توں ہیروئن تائیں اپڑ گیا تے ر ممتاں کنب گئی اوندی ساری  
مخت ضائع پئی تھندی ہٹی۔ اوں بہوں کوشش کیتی بھلا ہٹی جو عورت۔ مردے آکوں  
اچا بول بولنا کفر ہٹی۔ اپنے مجازی خدا ٹال او کیوں متھا گمن سکدی ہٹی۔ ر ممتاں دی  
ساری مخت ساری مشقت بیکار تھی گئی۔ ہک نکی جیسی پرچون دی ہٹی زہریاں اوہتاں  
منگیاں پڑیاں اگے کیوں کھلو سکدی ہٹی۔

ہک ڈ۔ نہ ترٹے نئے دے مارے ہوئے غلام علی۔ اوندے کالے مجازی خدا  
اوں کون تے اوندی معصوم دھی کون بہوں مارا۔ مار پہلاں وی اوں کون پوندی  
رہندی ہٹی بھلا اج اوندے اندر دی پرانی ر ممتاں جاگ پئی۔ ویراں تے مان جاگ پیا  
تے او اپنے گھر کون چھڈ آپنی دھی کون انگل ٹال لاء کے شر آگئی۔ بھراواں دے گھر  
۔۔۔ دیساں دے راجیاں دے گھر۔

جیڑے ہن بہوں حد تائیں دیساں دے راجے ہن۔ بہوں سکھی زندگی  
کزیڑے پئے ہن۔ گھر وچ ڈونجھاں بدھیاں ہوياں ہن۔ اوہتاں دیاں گھر آلیاں  
ترے ترے سودے سوٹ پندیاں ہن تے اوہتاں دے بال پندراں دھو روپے روز  
جیب خرچ گھنڈے ہن۔ دھیاں کون جیکے گھر دے مان ہوندے ہن۔ بھیناں کون  
بھراواں دے مان ہوندے ہن۔

ساہوریوں ظلم تھیون تاں او رس کے جیکے گھر وچ باہندیاں ہن۔ اج ر ممتاں  
وی رس کے جیکے آگئی۔ اوندی دھی اوندے ٹال ہٹی۔ روندی کرلاندی دھی۔ اوندے  
دیساں دے ڈوبائیں راجے گھر ہن۔ چھٹی وا ڈ۔ نہ ہٹی انہاں دے بال وی سکول ناہن  
گئے۔







## پتھردیاں رگاں


اوہک پتھراے۔ کالے رنگ دا بہوں سخت تے مضبوط پتھر۔ اوندا ٹھکانہ اوہکی  
 بیس سڑک اے جیہڑی سول لائینز دے کوارٹراں کوں وڈی سڑک نال ملاندی اے۔  
 ایس سڑک تے پیدل ٹرن آلے لوک تے سائیکل سواری آندے ویندے ہن بھلا  
 کڈائیں کڈائیں کچھ موٹر سائیکل وی لنگھ ویندے ہن۔ ایہناں تے پولیس افسر یا شر  
 دے بے فکر رو میٹک لوک سوار ہوندے ہن جیہڑے ماحول دی خاموشی کوں قمتیاں  
 تے انجن دی شور پاون آلی آوازاں نال تڑپندے کل ویندے ہن۔ اسے آون وچن  
 دے سلسلے وچ کئیں ویلے ملٹری دے جوائن دی بھار آلی جتیاں دی ٹھوکراں وی اوں  
 کوں لگدیاں ہن۔ پر اوں تے کوئی اثر ناہی تھیندا بہوں وار تاں وزن آلے ٹرک وی  
 اوندے اتوں لنگھے ہن۔

ہک وار تاں کمال تھی گیا جو ہک ڈرائیور سڑک کون کھن آلا انجن ایس پاسے  
 گھن آیا۔ شاید کی راہ توں وڈی سڑک تے جلدی آون کیتے او ایس پاسوں ویندا پیا ہا۔  
 جڈاں کالا دیو بیکل انجن اپنی بھیانک آواز نال آرام آرام نال ٹوڑا ہویا اوندے سر  
 دے اتے آیا تاں اوں کوں ایویں لگا جیویں اوندا آخری وقت آگیا اے پر سارا انجن  
 لنگھ وچن دے باوجود وی اوں کوں کچھ نہ تھیا۔ اوں تے کچھ اثر نہ تھیا۔

پتھریں کتنی برساتاں، کتنی گرمیاں، کتنی سردیاں تے کتنے ای بادوباراں دے  
 طوفان لنگھ گئے ہن۔ پر اوں تے کچھ اثر نہ تھیا۔ ہزاراں جنازے ہزاراں براتاں اوں  
 توں لنگھیاں ہن۔ گردش وقت توں گرد و پیش وچ وی بہوں انقلاب آگئے ہن پر اوں  
 وچ کوئی تبدیلی نہ آئی۔ معصوم باللاں دیاں کلکاریاں۔ نازک نازک حسیناواں دیاں  
 مستی آلی اداواں۔ محروم عاشقاں دی دل اچوں نکلیاں ہوئیاں آہواں۔ پیار کرن  
 آلیاں دیاں سرگوشیاں تے روح کوں سرشار کر ڈیون آلی موسیقی وی کائی نقش نہ جما  
 سکی۔ کیوں جو اوہک پتھرا۔ اوں وچ کئیں قسم دے جذبات تے احساسات کو ناہن۔

کیوں جو اوہک پتھر ہا۔ ہک بھار آلا پتھر۔ او فانی انساناں آنگوں کمزور تے نازک نہ ہا۔  
جو معمولی درد لے تکلیف وچ رون لگ ونبھیں۔ جو معمولی خوشی وچ نہال تے معمولی  
صے غم وچ نہ حال تھی ونبھیں۔

او تاں رنج، مسرت، آرام، تکلیف، محبت تے نفرت توں بالا تر ہک ٹھوس قوت  
ہا۔ اوندا دعویٰ ہا جو دنیا دا وڈے توں وڈا انقلاب، وڈے توں وڈا حادثہ اوں اتے اثر  
انداز نہیں تھی سکدا۔ اوندے اندر احساس کوں نہیں جگا سکدا۔



ایں ناہموار سڑک دے ڈوہائیں پاسے اچے اچے درخت ہن۔ وڈی وڈی  
جھاڑیاں تے جنگلی پھلاں دے بوٹے وی ہن۔ جیندی وجہ توں ایں سڑک دا ماحول  
چنگا لگدا ہا۔

سورے سورے کچھ ریٹائرڈ افسر سیر کریندے ہوئے ایں پاسوں لنگھدے ہن۔  
شام کوں کچھ جوان بندے وی آپنی آپنی محبوباواں نال تفریح کریندے ہوئے آویندے  
ہن۔ ایویں آون ونبج آلیاں وچ ہک چوڑھاں پندراں سالن دی چھیر وی ہئی۔  
جیسری ہتھاں وچ کتاباں گھن کے ایں راہ اپوں لنگھدی ہئی۔ معصوم چہرے آلی اسہ  
سانولی سانولی چھیر جیندی وڈی وڈی اکھیں توں ایویں لگدا ہا۔ جیویں کائی پستا وڈی می  
ویندی ہووے۔ معمولی سادے پر صاف کپڑے پاتی ہوئی چھیر آپنی دھن وچ گنگناندی  
ہوئی لگھ ویندی ہئی۔

اج سورے توں ای اسان تے بدل چھائے ہوئے ہن۔ کہیں ویلے بجلی وی چمک  
ویندی ہے۔ موسم بہوں سوہنا تھی گیا ہا۔

شام دے ترائے ونبج چار بندے ایں پاسے آندے ہن۔ ایہناں وچ ہک دے  
ہتھ وچ تھیلا اے۔ وت او بندے ہک وڈی جھاڑی دے پچھے بہہ ویندے ہن تے وت  
کچھ کچھ دیر بعد گلاساں دے ٹکراون دی جھنکار تے کہیں کہیں ویلے اوں پاسوں بہوں  
زور زور نال کھلن دی آواز سنائے وچ گو نچدی ہئی گھنٹے بعد بڑھی ترمیت ہک بال  
کوں نال گھن کے لگھ ویندی اے۔

کچھ دیر بعد او چھیر وی اپنے ہتھ وچ کتاباں گھن کے آندی اے۔ اج وی اوندی



اکھیں دا انداز اونویں ہوندا اے جیویں وت کوئی خواب ڈیدھی ویندی ہووے۔  
 جڈاں او جھاڑیاں دے نالوں لنگھدی اے تاں او لوک باہر نکل کے اوں بے خبر  
 چھیر کوں نپ گھنڈے ہن۔ ایویں لگدا اے جیویں میردا پنا ترٹ گیا ہووے۔ او  
 حیران تھی کے اوہناں کوں ڈیدھی اے تے وت بے اختیار چٹکدی ہوئی اوہناں دی  
 منت کریندی اے۔

”خدا کیتے میکوں چھوڈ ڈیو۔ خدا کیتے میکوں چھوڈ ڈیو۔ میں تاں تہاڑی بھیناں تے  
 دھیاں آنگوں ہاں۔ پر سڑک تے کوئی وی کوٹھاری۔ چھیر دیاں درد ناک چیکاں توں  
 ہوں سارے، کھٹی گھبرا کے شور پیندے ہوئے درختاں توں اڑ گئے۔

پر ایہناں اتے کجھ اثر نہیں تھیندا۔ او بندے زبردستی چھیر کوں جھاڑیاں دے  
 پچھے گھن ویندے ہن۔ وت روں تے فریاد کرن دی آوازاں گھٹی ہوئی سسکیاں وچ  
 تبدیل تھی ویندی ہن۔

کجھ دیر بعد دکھریے والاں تے پاڑے ہوئے کپڑاں وچ لڑکھانڈی ہوئی ہک زندہ  
 لاش آنگوں او چھیر۔ سڑک دے اوں پتھر آلے پاسے آندی اے جیندا دعویٰ اے جو  
 دنیا دا وڈے توں وڈا انقلاب تے وڈے توں وڈا حادثہ وی اوں اتے اثر انداز نہیں  
 تھی سکدا۔ اوندے اندر دے احساس کوں نہیں جگا سکدا۔ پر اوں ویلے او محسوس  
 کریندا اے تے آہا اے۔

”ہائیں میڈے جسم وچ امہ کیہو جیسی سنسی، امہ کیہو جیہا احساس پیدا تھی گیا  
 اے۔ میڈی پتھر دیاں رگاں وچ تے میڈے سخت ریشاں وچ شعلے کیوں دکھدے  
 دے ہن، نہیں، نہیں میڈے کول نہ آئیں امہ بھار نہ چا سکدا۔

میں آہنی کم مائیگی دا اعتراف کرینداں۔ میکوں تسلیم اے جو انسان میں توں وی  
 سخت تے بے حس اے۔ میں تاں کجھ وی نہ۔ کجھ وی نہ۔“



## تخریب کار

”بھگنائیں“ دے ریلوے سٹیشن تے سعید لتھا تاں چکرا گیا۔ ریلوے سٹیشن دی عمارت تاں اوہا ہا پر اس تے کچھ اضافے تھی گئے ہن۔ بک شال، ٹی شال، بیت الخلا، گیٹ تے کھڑا ہویا بابو۔ ایسہ سبھ اضافے ہن۔ ایسہ جیہا بابو پہلاں وی ہوندا ہا پر او گیٹ اگے کھڑا ناہی تھیندا۔ اس ویلے ایسہ رسم سعید کول نویں لگی۔ او ٹکٹ آلے گیٹ توں باہر آیا تے ٹانگے آلاں دے جھر مٹ اچ پھس گیا۔ او لوک ایویں اس تے جھپٹے جیویں ایسہ کوئی شکار ہووے تے بھکے شکاری اوندی تاک اچ بیٹھے ہون۔ سعید اچ اچ توں کئی سال پہلاں آلی طاقت نہ ہئی۔ او ٹانگے آلاں دی چھک مھیر برداشت نہیں کر سکدا۔ اوں آپنے آپ کول حالات دے رحم و کرم تے موڈ ڈتا تے آخر تک بنومند پیہے ٹانگے آلے اوں کول اچک گھدا تے آپنے ٹانگے وچ بہاون تے کامیاب تھی گیا۔ ”ڈس بابا کتھے چلوں“ ٹانگے آلے آکھا۔

تاں سعید چونک گیا۔ او کچھ آکھنا چاہوندا ہا پر وت اوں کول خیال آیا جو جیل دے ایناں پر مشقت سالاں اوں کول توڑ پھوڑ کے بابا ای بنا ڈتا ہوسی۔ ایسہ ٹانگے آلے دا قصور نہیں۔ ”بوہڑ آلے محلے“۔ سعید آکھاتے اوں آپنے ماضی دی اندھاری کوٹھڑی اچ جھات پائی۔ اس کوٹھڑی اچ کچھ ناہی رہ گیا۔ بک اوندی اندھی ماں ہئی، بک کئی جیسی جھکی ہئی تے اوندی بی اے دی سند ہئی، میری بک فائل اچ اوں بہوں احتیاط نال رکھ ڈتی ہئی۔ اوندے نال کھینڈی ہوئی ریشماں ہئی جیندے ریشم جسم تے کالے ریشم دے لچھیاں آر جھولدے وال ہن۔ تے ایناں والاں دے وچوں چاننی دا رس پیندا بک چہرہ ہئی تے اوں چہرے تے نصب ڈو اکھیں ہن جیہناں دے اندر تقدیراں دے فیصلے تحریر ہن۔

تے ہور کیسہ ہئی لہور دیاں سڑکاں ہن۔ ایناں سڑکاں تے آدمیاں دے

وگدے سمندر ہن۔ شوخ کپڑاں تے پچھانڈیاں کاراں دیاں لہراں ہن تے نوکری دی تلاش اچ آون آلا سعید ہئی تے وت ہک خوفناک دھماکے دی گونجدار آواز ہئی۔

تے وت ہشکڑیاں ہن۔ تے وت جیل دی کالی کوٹھڑی ہئی۔ بھانویں اسمہ دھماکے کیوں تھیا سعید کول پتہ نہ ہا۔ پر پس کول تے عدالت کول تاں اوہا تخریب کار نظر آیا تے انصاف ایہو آہدا ہا جو اوندے کان دعا منگن آلی اوندی ماں بیچارگی تے بے بسی دے عالم اچ وقت توں پہلاں ای مرونجے تے او وقت توں پہلاں بڑھا تھی کے ٹانگے آلے دا بابا بن ونجے۔ اسماں وی بوہڑ آلے محلے اچ رہندے ہاں تاں کیندے کول ونجنا اے۔“

”میں کہیں کول نہیں ونجنا صرف او محلہ ڈیکھنا اے پر تیس بوہڑ آلے محلے اچ کتے کر کے رہندے او۔“ میڈا ناں رمضان اے میڈا پو نور دین وی ٹانگہ چلیندا ہا پر اوہناں دا زمانہ ہو رہا۔ چوکر سستا ہاتے ساوا تاں مفت ای زمینداراں کولوں مل ویندا ہا۔

”اچھا اسمہ نور دین دا چھوڑ رمضان اے جیرہ اوں توں صرف ہک سال چھوٹا ہا۔“

سعید کول یاد آیا۔ رمضان تاں جوان ہا پر سعید اوندہ بابا بن گیا ہا کیوں جو اوہوں سارے سال سعید نہ ہا بلکہ قیدی نمبر ۸۳۳ رہیا ہا۔

صرف ایں وجہ کان جو اوں بی اے پاس کر کے آہنی چوڑھاں سال دی محنت دا پھل وصول کرن کان لہور دیاں سڑکاں تے اپنے میلے پیر رکھے ہن۔

”ہاں جی بوہڑ آلا محلہ آگیا۔“ ٹانگے آلے آکھاتے سعید ٹانگے توں یسہ پیا۔

اوں جیب اچ ہتھ مارا تے اپنے ہک سو چھبی روپیاں اچوں پنج روپے کڈھ کے

ٹانگے آلے دی تلی تے رکھ چھڈے۔ ”ڈاہ آلا نوٹ باؤ جی منگائی دا زمانہ اے۔“

ٹانگے آلے پنج دا نوٹ ہوا اچ لہراندے ہویاں آکھا۔ سعید پنج دا نوٹ ڈے کے اسمہ

سمجھا ہا جو اوں وڈی سخاوت کیتی اے تے حاتم دی قبر تے لت رکھ ڈتی اے۔

او تاں چار آنے سواری تے ڈیڑھ روپے سالم ٹانگے دا زمانہ ہا جڈاں او اتھوں

گیا ہا۔ پر ہن بابا بن کے آگیا ہا۔ ایں کان ہک چوانی، چالیں چوانیاں برابر تھی گئی



اے۔  
 جیل اچ تاں اوں کوں منگائی دا پتہ وی نہ لگا۔ سعید اوں کوں بچ دا ہک ہور  
 نوٹ ڈتا ہن اوں کول جیل دی کمائی دے ہک سو سولہ روپے رہ گئے۔  
 او ٹرپا محلے دی حالت وی ہن بدل گئی ہئی۔ اوندی جھگی دی جھاہ تے ہن ڈو  
 منزلہ مکان کھڑا ہا۔ او ٹردا گیا۔ ٹردا گیا تے میت دے نال کھڑے ہوئے بوہڑ دے اوں  
 بڑھے درخت تلے اپڑ گیا جیندی وجہ توں اسہ محلہ بوہڑ آلا محلہ مشہور تھی گیا ہا۔  
 او درخت دے تنے کوں جھپا پا کے ملاتے حیران رہ گیا جو اوندے سینے دے برابر  
 بوہڑ دے تنے تے ڈو حرف بہوں گہرائی اچ کھدے ہوئے ہن ”س۔ ر“ اسہ حرف  
 اوں آہنی ای چاقو نال لکھے ہن۔

”سعید۔ ر۔ شماں“ ”سعید دا سین“ تے ر۔ شماں دی ”رے“ او درخت دی  
 امانت داری تے حیران رہ گیا۔ کتنے سال اسہ ایہناں ڈو حرفاں کوں سمیٹ کے کھڑا  
 رہیا۔

او ایہناں کوں چہناں چاہندا ہا جو آہٹ آئی پیراں دی کھنکار سنے ہک تربیت  
 آپنے بال کوں انگل نال لا کے قریب توں لنگھ کے آہدی دیندی ہئی۔  
 ”عقیق پرتوں کیڈا کھلا اس گھرتوں انی دور لکل آیا اس تیکوں پتہ نہیں جو بالاں  
 کوں چاون آلے لوک ساڈے شراچ آئے دے ہن۔ ڈٹھا نہیں تیڈی ماسی حمیداں  
 دے نئے کوں کوئی ظالم چاکھن گئے ہن۔“

”ماء میں اینویں ہن نہ ویساں۔“ سعید ڈٹھا او ر۔ شماں ہئی او اونویں ہئی۔ وقت  
 چہرے دے سنگ مرمر کوں کجھ ڈھلا کر ڈتا ہئی۔ کجھ شکلاں پاڈتی ہن پر رنگت دا کجھ  
 وی نہ بگڑا ہئی۔

او ایہناں دے پچھوں ٹرپا۔ سناہنے کریانے دی دکان دے کول ر۔ شماں ہک  
 کچے مکان اچ داخل تھی گئی تے ر۔ شماں دا بال دکان توں شے کھنن لگ پیا۔  
 سعید رک گیا۔ او اتھے کیوں آگیا قیدی نمبر ۸۳۴ دا اتھے کیسہ کم ہا۔ اوں کوں  
 ایہناں لوکاں دیاں آزادیاں اچ آہنیاں ساہواں گھولن دا کیسہ حق اے۔

ر۔ شماں دا بال ٹافیاں کھن کے نکلا۔ سعید جیب اپوں ہک سو سولہ روپے کڈھ

کے آگھا۔ "ہاں مے" امہ پیے تیلے ہن ٹانیاں کھنڈا رہویں تے جڈاں مک و سن  
 تاں میں وت اوں بوہڑ آلے درخت دی چھاتی توں "س تے ر" آلے ڈو حرفاں اچ  
 بند آہنی محبت دے لے چوڑے صحیفہ دی تلاوت کرن آساں تے ہور پیے ڈیساں۔  
 چھور شور پاؤتا "اماں اماں امہ کون اے"۔

دکاندار حافظ محمد علی باہر آیا۔ اونڈے بڑھے ہتھ اچوں ہک سو سولہ روپے کجہ  
 کے بھنڈی پاؤتی۔ لوک اکٹھے تھی گئے۔

وت قیدی نمبر ۸۳۳ بالاں دے اغوا دا مجرم بن کے تھانے دی حوالات اچ بیٹھا

ۛ



## ماں

دسمبر دی ٹھنڈی رات تھی۔ شہر دیاں دکاناں بند تھیں گئیاں ہن۔  
عظیم بہوں پریشانی اچ فٹ پاتھ تے بیٹھا ہویا ہا۔ اوندے ذہن اچ ڈاکٹر دی ایسہ  
گالہ سوار ہا کہ تینڈی ماں ہک خوفناک بیماری اصر دا شکار اے جے اینکوں ہک ڈو  
ڈ۔ نہ اچ انجکشن تے دوائیاں نہ ملیاں تاں تینڈی ماں مروسی۔  
ایسہ سن کے او پاگل تھی گیا ہا کیوں جو وڈی بیماری دی وجہ توں اوندے بچہ آپنی  
جان ڈے ڈتی تھی۔ پر او آپنی ماں دا حشر دی اوہا ناہی ڈیکھنا چاہندا ہا۔  
اتنی وڈی دنیا اچ ہک ماں ای تاں اوندی تھی۔ پر علاج کان مہسیاں دی ضرورت  
ہوندی اے۔ تے اوندے کول تاں ہک پیسہ وی نہ ہا۔ او سوچیندا پیا ہا جو بچہ وی  
دوائیاں نہ ملن دی وجہ توں مر گیا ہا۔ اوں ویلے وی جیب خالی تھی تے ہن وی خالی  
اے تے اتھے جیساں ڈیکھ کے صحت دے سودے ہوندے ہن۔  
فجری ویلے او کم دی تلاش اچ دستی توں شر آیا پر اوں کون کوئی کم نہ ملا۔ شر  
دے لوک بہوں ظالم ہن۔ دستی دے لوک کم توں کم تسلی تا ڈے ڈیندے ہن۔ عظیم  
جڈاں نوکری منگن کان شہر دے کیس بندے کون آپنی گالہ ڈسیندا تاں او آکوں کھل  
پونداتے آہدا۔ "اچ کل دے لوجواناں بھیک منگن دا ایسہ نواں طریقہ گولا اے۔" پر  
عظیم تاں اینہاں کولوں کوئی کم منگدا پیا ہا۔ کوئی وی کم۔ بھیک تاں نہیں۔ ایں ویلے  
عظیم فٹ پاتھ تے ہک جوے اچ ہزے ہوئے بندے آنگوں بیٹھا ہویا ہا تے سوچیندا پیا  
ہا۔

"جے سویرے تائیں ماں کون انجکشن نہ ڈتا گیا تاں او مروسی۔"  
اوندی عقل اچ کچھ وی نہ آندا پیا جو کیوں مہسیاں دا بندوبست تھیں۔ او  
اینہاں خیالاں وچ بڑا ہویا ہا۔ جو دور توں ہک لی کار دی تیز روشنی اوں کون نظر  
آئی۔ اچانک اوندے ذہن اچ ہک خیال بجلی آنگوں چکاتے اوں ہک خطرناک فیصلہ کر

کھدا۔ سٹ بہوں شدید ہی جیندی وجہ توں اوندی چچ کل گئی۔  
 تے وت او بے ہوش تھی گیا۔ کار دے مالک آہنیں کار کوں روکاتے کار توں  
 کل کے عظیم کوں ڈکمن لگ پیا۔ جیندا خون سڑک کوں رتا کریندا پیا ہا۔  
 جڈاں اونڈیاں اکھیں کھلیاں تاں اوں اپنے آپ کوں ہسپتال دے بیڈ تے پایا۔  
 اوں ویلے اوں کوں نرس ڈیا جو توں ترائے ڈنہ توں بعد ہوش اچ آیا ایں تے  
 اوندی اکھیں دے اگے اندھارا تھی گیا۔

وت او کوں ہوش آیا تاں اوں ڈٹھا جو اوندی پواندی ڈو پس آلے کھڑے ہن۔  
 ایہناں آکھا ”توں خود کشی دی کوشش کیتی ہی۔ تیڈے تے دفعہ ۳۰۹ دے تحت ہک  
 کیس اوں کار آلے بندے رجسٹر کرایا اے۔ ترائے ڈنہ پہلاں جیندی کار آگے  
 تیں چلائگ لائی ہی۔“

توں ہوش اچ آگیا ایں تاں سن گمن کل تیڈی تاریخ اے۔“  
 وت او کوں خیال آیا جو ایہناں ڈنہاں اچ اوندی ماں تاں مر گئی ہوسی تے  
 وت اوندی انھیں بے اختیار اپنے درد کریندے ہوئے پیراں آلے پاسے اٹھ گیاں۔  
 اوں ڈٹھا ”اوندا سجا پیر کیا ہویا اے“

وت اوندے مونہ اچوں امہ لکلا ”واہ او میڈے مولا تیڈی دنیا اچ غریب دا  
 مرغا وی تے مرن دی کوشش کرنا وی ہک جرم اے۔ جیونا تے جیندا رہنا تاں اوں توں  
 وی وڈا جرم اے۔“



## وقت دا انتقام

اج اوندی رہائی دا ڈنہہ ہا۔ او تیرھاں سالاں دی طویل قید توں بعد رہا تھیندا پیا ہا۔ ایس ویلے اوندے دل دی عجیب حالت ہا۔ ایہو جیسی جو اوں کوں خود وی سمجھ نہ آئی۔ ایہی دوی سزا توں بعد انسان کوں آزادی نصیب تھیندی اے تاں او خوشی اچ دیوانہ تھی ویندا اے یا وت اوندے دل اچ انتقام دا جذبہ ہوندا اے۔ پر بکو دے دل اچ ایہو جیسی کوئی گالہ نہ ہا۔ او کھڑکی دی سلاخاں تال اپنا سر لا کے باہر دے کھیتاں کوں ڈیہدا پیا ہا۔ پر اوندی ذہن ماضی دے ڈراے دا نظارا کریندا پیا ہا۔ جیندا انتقام ایس لمی قید دی صورت اچ تھیا اے۔

تیرھاں سال پہلاں او باوی سالاں دا بک سوہنا تے قد آور جوان ہا۔ اوندی شادی تھی گئی ہئی۔ تے بک چھوڑ بوٹا وی جہاں ہا پر دستی دی چھیریاں ہن وی او گلی اچ کدی ویندا پیا ہووے ہا تاں اوندے قدماں دی آواز آپنے دل تے محسوس کریندی ہن پر او کس کوں اکھ چا کے وی نہ ڈیہدا کیوں جو او اپنی زال بشیراں تال محبت کریندا ہا۔ زندگی بک سوہنے خواب آنگوں لنگھدی ویندی ہئی۔

ایمناں ڈنہہاں اچ اسے واقعہ تھیا جیسی اوندے خواہاں دی زندگی کوں ٹوٹے ٹوٹے کر ڈتا۔ گالہ اسے ہئی جو بکو دا پو اوندے ککے ویلے ای مر گیا ہا جیندی وجہ توں اوندی ماں سیکنے اتے ڈکھاں دا پہاڑ ڈھیسہ پیا ہا۔ بک جوانی ڈوجھا ککے ہال بکو دی پرورش تے تر بھار زمین کوں ڈکھن دا بھار کیوں جو اوندے ڈوجھے حصے دار زمین تے قبضہ کرن دی فکر اچ ہن۔ وت وی اوندی ماں ہمت نہ ڈھائی تے آپ کھیتاں اچ کم کرن لگ پئی۔ ککے بکو کوں وی آپنے تال ای کم تے لا گھدا۔

کئی بندیاں شادی کان پیکش کیتی پر اوں انکار کر ڈتا۔ کبھ ڈنہہہ توں بعد بکو دا چاچا احمد نواز فوج اچوں اپنا تال کٹا کے آپنے گھراچ آگیا۔ او ایس خیال تال گھراچا جو آپنے حصے دی زمین تے مل وہائی کریں تے کتھائیں شادی کرا کے باقی زندگی آرام



نال گزریاں۔

وطن توں دور رہوں دی وجہ توں اوں کوں آپنے بھرا دی موت دی خبر دی نہ ملی۔ ہن گھر آکے اوں آپنے محترتے بکو تے بھرجائی سیکنہ دی امدہ حالت ڈنھی تاں اوندے دل اچ ہمدردی جاگ پئی۔ اوں آپنی بھرجائی سیکنہ کوں شادی دی پیشکش کر ڈتی۔ سیکنہ اس خیال توں راضی تھی گئی۔ ہک تاں زمین دا ہزارہ رک ولسی۔ ڈوجھا بکو کوں پوئل ولسی۔

گمراچ وت زندگی نظر آون لگ پئی۔ ادھا خوشی، ادھا رونق نظر آون لگ پئی۔ جیڑھی بکو دے پو دے جیندے ہوندى ہئی۔ احمد نواز دے کوئی اولاد نہ تھئی۔ اس وجہ توں او بکو کوں بسوں محبت کرن لگ پیا تے بکو دی پو دی محبت پا کے خوش ہا۔ احمد نواز اوں کوں سکول بھیجتا تے او مل ویندا۔ ایویں بکو ان پڑھ رہیا۔ سولہ سالوں دی عمر اچ بکو دی شادی کر ڈتی گئی۔ سال توں بعد اوندہک کا کا جما۔

پوترے کوں پا کے احمد نواز تے سیکنہ دی خوشی دا کوئی ٹھکانہ نہ رہیا پر بکو شادی توں بعد ایہناں نال ہر گالہ تے جھیرم کرن لگ پیا۔ گالہ اصل اچ امدہ ہا جڈاں او آپنی گھر آلی دے جیکے گھر ویندا تاں او لوک اوندی ماں تے چاچا دی شادی کوں بنیاد بنا کے اوندہ مذاق کریندے۔

اس اچ ایہناں دے ہال ای شامل ناہن ایہناں دے بزرگ وی شامل ہن۔ اوں ہک ڈنہہ آپنی ماں کوں آکھا ”توں چاچا احمد نواز توں الگ تھی ونج کیوں جو لوک میڈا مذاق کریندے ہن۔“ سیکنہ اوں کوں ڈسیا جو اوں ویلے کیہ حالات ہن۔ ”جستے دار زمیناں تے قبضہ کرنا چاہندے ہن۔ میں اوں نال شادی کیتی اے آخر میں اوں کوں اس عمر اچ کیویں چھوڑ ڈیواں۔“ ”ہن میں گھرتے زمین کوں سنبھال گھنساں تے اوں کوں گزارا کرن کوں ہر سال دانے ڈے ڈیساں پر او اس گھراچوں لگا ونجے۔“ ”ایڈا بے رحم نہ بن بکو اوں تیکوں پالا اے۔“ ”پر او میڈا پو تاں نہیں۔“ ”او تیکوں جان توں وی زیادہ عزیز چاند اے“ او تیتھوں بغیر مروسی۔“ ”میکوں پرواہ نہیں۔“

جڈاں احمد نواز کوں اس گالہ دا پتہ لگا تاں اوں کلیجہ نپ گھدا۔ او گھر چھوڑن

کوں تیار ہا پر سیکھنہ بیمار احمد نواز کوں اس حالت اچ چھوڑن کوں تیار نہ ہا۔ آخر او  
 سیکھنہ دا گھر آلا ہاتے ایہناں ہک وڈی عمر لے گزاری ہئی۔  
 وت بکو گھر چھوڑ ڈتا تے ہک الگ گھر اچ آہنی گھر آلی ٹال رہون لگ پیا۔ کچھ  
 ڈنہہ ای گزرے ہن جو اوں آہنی ماں دے اگے احمد نواز کوں زمیناں توں بے دخل  
 کرن دا مطالبہ کر ڈتا۔ جیندی وجہ توں اوندی ماں غصے اچ آکھا۔ ”اسہ چنگا نہیں جو  
 میں تیکوں عاق کر ڈیواں؟ تیکوں اسہ گالہ کرن ویلے شرم نہ آئی۔ او تینڈا پو اے  
 تے میڈے سردا بوجھن۔“ بکوماء دا کورا جواب سن کے غصے اچ گھراچوں نکل گیا۔  
 رات ویلے بکو کندھ توں دھرک مار کے ماں تے چاچے کوں چھرے ٹال قتل کر  
 ڈتا۔ ڈنہہ نکلیاں ای دستی اچ شور پے گیا۔ ”سیکھنہ تے احمد نواز کوں قتل کر ڈتا گیا  
 اے۔“

دستی آلاں کوں شک بکو تے گیا کیوں جو ایہناں کوں معلوم ہا کہ بکو آہنی ماں ٹال  
 بھیرم کر کے گیا ہئی۔ بکو وئی پس دے ساہنے جرم دا اقبال کر گھدا۔ بکو کوں ڈو قتل  
 دے جرم اچ پھانسی دی سزا تھی۔ اوندی تربیت بشیراں دی اپیل تے اسہ سزا عمر قید  
 اچ تبدیل تھی گئی۔

بکو ایس سزا کوں ایویں قبول کیتا جیویں اوں شہادت دا مقام پایا ہووے۔  
 جیل اچ کچھ سال اوں بہوں حوصلے ٹال گزارے۔ او جیل اچ لوکاں ٹال بھیرم  
 کریندا تے بعد اچ جیلر اوں کوں سزا ڈیندا وت اوندا جوش لھنڈا تھیندا گیا۔ کچھ  
 سوچن دی عادت وی پے گئی۔ تے ہک ڈنہہ ایہو جیہا وی آیا جو اوں سوچا۔ ”میں جو  
 کچھ کیتا اے او چنگا نہ ہا۔ میڈی ماں حالات دی وجہ توں جو کچھ کیتا ہئی او ٹھیک ہا  
 تے میڈی ماء کول اسن توں ہور ڈو جھی راہ وی کوئی نہ ہئی تے میں جو کیتا اے او  
 بہوں ظلم ہا۔“

وت او اسن دنیا توں بہوں تنگ تھی گیا۔ جڈاں او جیل اچ آیا ہا تاں اوندی زال  
 بشیرا ملاقات کان ہر ہفتے آویندی تے بہوں اداس ہوندی ہئی۔ بکو ایہناں ڈنہہ اچ  
 بہوں جوش اچ ہوندا ہا تے بشیراں کوں آہدا۔ ”تیرھاں سالاں دی کوئی گالہ اے اسہ  
 تاں بہوں جلدی لکھ و سن وت میں تینڈے کول ہوساں۔“



بشیراں سنی اکھیں نال اوں کوں ڈیہدی تے ویندی ہوئی بہوں روندی۔ گھر  
 اچ دی اوند دل نہ لگدا۔ کیوں جو زمین ہئی۔ نکا پتر بوٹا ہا۔ او ہکلی کیویں اوہناں دی  
 ڈیکھ بھال کریندی اوں کوں ہک سارے ہک مدد کرن آلے دی لوڑ ہا۔ آخر ہک  
 ملاقات اچ اوں بکو کوں ڈیا۔ ”اوں زمین تے کم کرن کان دلاور کوں رکھ گھدا  
 اے۔“

دلاور وستی دا ہک محنت کرن آلا تے خوش مزاج جوان ہا۔ ایں وار بشیراں دسی  
 گھبوتے گڑوی گھن آئی ہئی۔ اوں ڈسا جو ”دلاور زمین دے نال گھردے ڈنگراں کوں  
 وی سنبھال گھندا اے۔ ہن گھراج ڈدھ مکھن دی وی کوئی کمی نہیں۔“  
 ایں وجہ توں میں تینڈے کان گھبوتی پچا گھن آئی ہاں۔ ايسہ سن کے بکو کوں گھر  
 آلے پاسوں کچھ قلی تھئی۔ پر ہن ايسہ تھیا جو بشیراں ملاقات کان بہوں ڈ۔ نہ بعد  
 اون لگ پئی۔ وت ايسہ دیر بہوں طویل تھیندی گئی۔

”کیا کراں۔ گھرتے زمین توں وقت ای نہیں ملدا میں تاں بہوں کوشش کریندی  
 ہاں۔“ پر بکو کوں شک تھی گیا کیوں جو بشیراں ا۔ تھماں آکے روندی یا اداس روندی  
 ہئی تے ایں وار خوش خوش نظر آندی پئی ہئی۔ بکو سوچا ايسہ خوشی دلاور دی وجہ توں  
 تاں نہیں۔ گالہ ایڈی فطری ہئی جو اوند شک یقین اچ بدل گیا۔  
 پر عجیب گالہ ايسہ ہا جیسرہ ماں دی شادی دی گالہ تے غصے اچ ایڈا پاگل تھی گیا ہا  
 جو ایہناں کوں قتل کر ڈتا۔ اوی بکو آپنی زال بشیراں دے کردار دی کمزوری دا حال  
 جان کے چپ رہیا۔ ایں انکشاف توں اوندے دل اچ دنیا توں ہور بے زاری تھی  
 گئی۔

کچھ سال بعد اوند اچھو ہر بوٹا جو ہن پندراں سالاں دا جوان ہا۔ غصے اچ اوندے  
 کول جیل اچ ماں دی شکایت گھن کے آیا ”میڈی ماں بشیراں دے دلاور دے نال  
 ناجائز تعلقات ہن تے میکیں وستی دے لوک ایں گالہ دا طعنہ ڈیندے ہن۔ میں  
 ایہناں کوں قتل کر ڈیاں۔“

بکو اوندی گالہ ایویں سنی جیویں اوند بشیراں نال کوئی تعلق وی نہیں۔ او بس  
 چپ رہیا۔ ہن جڈاں اوندی رہائی دا وقت آیا تاں او سوچیندا پیا ہا۔ ”ہن میں گھرونج  
 29.

کے کیسہ کریں۔ اونڈے گھراچ نہ ہون دی وجہ نال جیہڑا خلا تھیا ہا۔ او ہن بھر گیا  
اے۔ ہن اوں گھراچ میں قالتو بندہ ہو ساں۔

ہن اونڈے وچ او جوش تے جذبہ نہ ہا جیہیں نال بکو اوں بندے کون کڈھ ڈیوے  
ہا۔ جیہڑا اونڈی جاہ گھدی ودا ہا۔

جیل اچ رہا تھی کے نکلے ہوئے۔ اوں ڈٹھا۔

سایہ سڑک تے ڈو پس آلے سپاہی اونڈے چھوہر بوٹے کون ہتھاں وچ  
چھکریاں لا کے جیل اچ گھدی آنڈے ہن۔

-----



## ارداس

شروچ پنج کھنڈے دی زبردست قازنگ توں بعد ہن کڈائیں کڈائیں کوئی قاز تھی  
ویدا ہی۔ اوں آپنی پچان توں سر چایا تاں ہک گولی اوندے سردے نالوں لنگھ گئی۔ او  
ہن تائیں ایسویں چار پنج گولیاں توں پنج گیا ہا۔ لگدا ہا جو امہ گولیاں نیلی بلڈنگ  
دی چھت توں آندیاں ہنیاں ہن۔ اوں نشانہ لایا تاں ہک چیک گونجی۔ جیس تو بعد  
اوں فخریہ مسکراہٹ نال رائیفل کوں بوسہ ڈتا۔ اوں خطرہ محسوس کیتے بغیر آپنی پچان  
توں سر کڈھ کے سڑک آلے پاسے ڈٹھا۔

کچھ دیر پہلاں اوں اپنے جیسرے سنگتی کوں نشانہ بتایا ہا۔ ہن او زمین توں اٹھ  
کے درخت دے پچھے محفوظ ہون کان ویدا پیا ہا۔ اوں بہوں اطمینان نال رائیفل اوں  
پاسے کیتی تے اوں کوں گولی مار ڈتی۔ سنگتی ہی تاں کیسہ ڈوجھے مسلک دا جو ہی۔  
مسلک دے نال تے تاں ہزاراں سنگتیاں کوں قربان کر گدا ہاں۔ اوں سوچا۔

شروچ وت قازنگ تے چیکاں دی آواز ودھ گئی۔ سڑک اتے جاہ جاہ تے لاشاں  
دا خون گل ملدا ودا ہا۔ ایمنال وچوں کچھ بندے ہن وی زندہ ہن۔ چیکاں تے آہواں  
نال ہتھ پیر مریدے پئے ہن تے ہک ڈوجھے توں امداد کھنن دے طلبگار ہن۔ امہ  
ہور گالہ ہی جو امہ وکھرے وکھرے مسلک دے ہن تے ہک ڈوجھے دے دشمن ہن  
پر ہن ایمنال ہک ہور مسلک اختیار کر گدا ہا۔ زخمیاں دا مسلک، آہواں دا مسلک،  
ہک ڈوجھے دے نال مرن دا مسلک، ہک منزل تے اڑن دا مسلک، ہک جاہ تے رہون  
دا مسلک جتھے کوئی نفرت نہ ہووے۔ ہر پاسے محبت ای محبت ہووے۔

ہن امہ سوچاں فضول ہن کیوں جو او سارے مروے پئے ہن تے ایمنال دا  
آخری وقت آگیا ہا۔

اوندی نظر نال پئی ہوئی نوکری تے گئی۔ اوں وچ چالیں کار توں بہوں ہن۔ امہ  
ہور گالہ اے جو اوں گوانڈھی دی ڈو مینے دی دھنی تے وی کار توں خرچ کیتا ہا۔

چاہندا تاں پیر نال پلاسک دے کھڈاؤنے آنگوں تروڑ ڈیندا پر نہیں اتنا اسلحہ کئی کان  
جمع کیتا ہا؟

ترائے منزلہ عمارت دے ساہنے بہوں لاشاں میناں ہن۔ او سوچیندا پیا ہا۔  
”ایسہ لوک ڈوجھے مسلک دے ہن۔ ایس وجہ توں تاں ایسناں میڈے مسلک  
دے لوکاں کوں جن جن کے مارا ہا۔ ہائے ہائے او بچارے کیویں چیکاں مرندے  
ہوئے ڈٹھے ہن۔ میڈا دس چلے ہا تاں ایسناں خالماں کوں بھن ڈیواں ہا۔ میں وی کتنا  
بے وقوف ہاں ہک بم دا انتظام وی نہ کر سکا۔ اتنے بہوں سارے کارتوس کھنن دا کیا  
فائدہ جے ہک بم ہوندا تاں اج عمارت تباہ کر سکدا ہم وت ایسناں ڈوہائیں بھراواں  
دیاں ہڈیاں وی نہ ملدیاں۔“ اچانک نال آلی گلی وچ فائرنگ دی آواز آئی۔ ہک گھبراہٹ  
ہویا اجنبی گلی توں سڑک آلے پاسے آندا پیا ہا۔ اوں توں دور ہوون دی وجہ توں اوں  
کو پتہ نہ لگا جو ایسہ کیہڑے مسلک دا بندہ اے۔ وت اوں راہنل اجنبی آلے پاسے  
کر ڈٹی پر اوں ڈٹھا جو ترائے منزلہ عمارت دی کھڑکی وچ بندہ ایس اجنبی تے نشانہ لاوٹ  
آ گیا ہا۔

اوں اجنبی تے نشانہ لاوٹ دا ارادہ چھوڑ کے آپنے آپ کوں محفوظ کر گھدا۔ او  
سوچا جو کھڑکی آلا بندہ ڈوجھے مسلک دا بندہ اے۔ ایس وجہ توں ایسہ بندہ میڈے  
مسلک دا ہوسی اسے وجہ توں تاں اوں اجنبی تے نشانہ لیندا پیا اے۔  
دشمن دا دشمن آپنا سنگتی ہوندا اے۔ ہن میکوں ایس اجنبی بندے کوں بچاؤنا  
اے۔ تے کھڑکی آلے کوں مارنا اے۔

اوں راہنل کھڑکی آلے پاسے کر کے فائر کر ڈتا۔ اوندی چیک دا ایسہ مطلب ہی  
جو نشانہ ٹھیک لگا اے۔ اوں آپنا سر کڈھ کے بہوں اطمینان نال سڑک تے ڈٹھا۔ او  
اجنبی بندہ خوف وچ آندا پیا ہا۔ وت اوں اجنبی دا مونہ ڈیکھ کے پہچان گھدا جو ایسہ  
ڈوجھے مسلک دا بندہ اے۔ اوں اجنبی بندے تے وی نشانہ لا چھوڑا۔

اوں اپنی گھر آلی کوں ڈوجھی منزل تے ونج کے مرن آلاں دی تفصیل ڈی جو  
اچانک پیلے رنگ دی کوٹھی وچوں۔ ”میکوں بچاؤ“ میکوں بچاؤ۔ ”دی آوازاں آون لگ  
ہیناں۔ اوں سوچا۔ ”شاید اوندے گھر وچ کوئی بندہ وڑ گیا ہوسی۔ اتھاں ہن خطرہ وی



کو تابی ڈونجھے مسلک دی ہک جوان چھیر ہی۔ خیر اے اوں بندے کوں عیاشی کرن  
 ڈے جے ڈونجھے مسلک دا ہوسی تاں باہر نکلن ویلے اوں کوں وی ڈیکھ گھنساں۔"  
 وت ہک کتا ایس سڑک تے آویندا اے۔ او را۔ نکل کتے کوں مارن کان سدھی  
 کریندا اے پر ایسہ سوچ کے تلے کر گھندا اے جو ایسہ کتا میڈے مسلک دے کہیں  
 بندے دا نہ ہووے۔ ایہیں تاں بیچارا مفت وچ جان ڈے ڈیسی۔ کتے دے ساہنے ڈو  
 لاشاں ہنیاں ہن۔ ہک اونڈے مسلک آلے بندے دی ہی۔ جیکوں کھڑکی آلے  
 بندے مارا ہاتے ڈو جھی کہیں ہور دی اے جیس توں اوں بدلہ گھدا ہا۔ کتا جڈاں  
 اونڈے مسلک آلے دی لاش آلے پاسے ڈیہدا تے تاں او را۔ نکل اوں کتے آلے  
 پاسے کر گھندا اے۔

پر جڈاں او ڈونجھے مسلک دے بندے دی لاش کول ونج کے اوندا خون پھیندا  
 اے تاں اوں کوں ہوں چنگا لگدا اے۔ وت اچانک اوں کوں رون دی آواز آئی۔  
 دور سڑک تے کوئی چیکاں مار مار کے روندنا ہویا تے ہر لاش کوں درد تے حسرت  
 نال ڈیہدا اے جو ڈونجھے مسلک دے بندے توں نفرت نہ کرو۔ ہر کئی کوں محبت دا لیکھر  
 ڈیندا رہندا اے۔ جیسرہ آہدا اے جو میں کئی مسلک دے بندے توں نفرت نہ  
 کرینداں۔

تساں وہی دشمنیاں مکا کے محبت کرو، نفرتاں ملک تے مذہب کتے چنگیاں نہیں  
 ہوندیاں ایسہ نہ ہووے جو ساڈی بھیڑ توں کوئی دشمن فائدہ چا گھنئیں تے اساں وت  
 غلامی دی دنجیراں نال جکڑے ونجوں۔

تساں آپنے وچ تبدیلیاں گھن آو تے نفرتاں بھل ونجوں پر میں ایندا اج گولی نال  
 سارا انقلاب کڈھ ڈیناں۔ میکوں ایس نال ہوں نفرت اے۔ ساکوں ساڈے مسلک  
 توں دور کریندا اے بھلا اساں آپنا مسلک کیوں چھڈوؤں؟ اساں آپنے دشمنیاں نال  
 محبت کیوں کریوں؟ او تاں ساڈے دشمن ہن۔

وڈے انقلابی کوں تاں ڈیکھو ہر کئی دی لاش کوں گل لا کے روندنا ودا اے جیویں  
 ایسہ سارے ایندے خاندان دے ہوون۔ اونویں تاں ایندا اتھے تائیں آوٹا ہوں  
 مشکل اے۔ میں آنگوں دو جھے مسلک دے بندے دی ایس نال نفرت کریندے ہن۔"

اچانک اور بج کر آلی کوٹھی دی کھڑکی توں چنے گلاب آنکوں بے لباس ہیر  
دھرک لا ڈتا۔ شاید اوں آپنی عزت لٹ وٹج دی وجہ توں مرو بختا چنگا بھمبیا ہا۔ او  
بہوں زخمی تھی گئی ہئی۔ او راہنل نال اوں کوں مارن لگا تاں اچانک اوندے ذہن وچ  
ایسہ گالہ آئی۔

”جو اینکوں زندہ رہونا چاہیدا اے۔ لوک این تے انگلیں بھسن جو ایندی عزت  
لٹی ہوئی اے“ اوں راہنل سدھی کر کے فائر کر ڈتا۔ وت اوں انقلابی بندے آلے  
پاسے ڈٹھا جو ہن اوندے کول آگیا ہا۔ او حیران ہا جو اینکوں مارن کان کیس مسلک دے  
بندے کول وی گولی نہ ہئی۔ پر اوں سوچا جو میں اینکوں نہ چھوڑیاں۔ اوں ڈٹھا جو اوبا  
انقلابی اوندے مسلک دے بندے دی لاش کوں بھہا پا کے روند پیا ہا۔ اوں راہنل  
تلے کر گھدی اچانک او ڈوجھے مسلک دی لاش تے رون لگا تاں اوں کوں بہوں غصہ  
آیا۔ اوں راہنل سدھی کر کے ٹریگر تے انگل رکھی تاں اچانک کریم کھر آلی کوٹھی توں  
ہک فائر تھیا۔

ہیر! اوندے سینے وچ لگا جیندی وجہ توں او کھڑکی اچوں تھلے ڈسید پیا۔  
اوں کوں ڈھاندا ڈیکھ کے انقلابی ارداس کیتی۔ ”میڈے اللہ اینناں دے دلاں  
وچ ہک ڈوجھے کتے محبت پانویں ہا۔

تے او مرن توں پہلاں اپنے آخری وقت سوچیندا پیا ہا۔

”اینکوں مارن کان کیس مسلک دے بندے کول کوئی گولی وی نہ ہئی۔“

ایویں کیوں تھیا؟



## اک دے امب

تھل دے ویران، منسان تے تے ٹہاں وچ اک داہک بوٹا لگا کھلوتا ہا۔  
سوچن لگا ”میکوں زندگی کتھے آکے چھوڑ گئی اے۔ کوئی سبزہ کوئی، کوئی ہم جنس  
بوٹا کوئی نی، کوئی درخت کوئی نی، بس ریت ای ریت اے۔

تسی تے دھپ چٹ کے جیون آلی بے آرام تے بے سکون ریت۔ اوہا ریت  
جیرمی سی دی جوانی کھا گئی۔ سی دی بے قرار روح تے کھلدی تے قہقہے و جاندی  
ریت۔ ایس ریت اچوں غذا تے نمی حاصل کرنا ایویں اے جیویں انگاراں دی چادر  
پیر کے پانی کڈھن دی پاگل تے بے مراد کوشش۔

ناممکن کوں ممکن بنادوں دی انھی کوشش۔ بھلا کیس تاراں کوں تروڑ کے اپنے  
گھر دی چھت تے وی تنگ چھوڑا۔ نہیں اکا نہیں۔ زندگی ایس تھل وچ اکا ناممکن  
اے۔

اسے جیون کوڑ کمائی اے۔ میڈے ٹال میڈے خالق دا بہوں کوڑا تے کراڑا  
مذاق اے۔ ایسا سوچ اوکوں ڈ۔ نہ رات پریشان کرن لگ پئی۔

اوندیاں جڑھاں ریت دے سینے اچوں بہوں مشکل ٹال پانی گولیندیاں ہن۔  
اوندے پٹھے ریت دے دونخ چوں تب کے آون آلی ہوا توں پانی پیون کان  
ترسدا سینہ کھول ڈیندے ہن۔ ایویں زندگی ہور تھکی ہاری تے درماندہ لگدی ہئی۔  
اوندی خواہش ہئی اوندا وی خاندان ہووے ہا۔ او وی اپنے ہم جنساں ٹال پیار  
محبت دیاں گالھیں کرے ہا۔

کھلے ہا، محفل سجاوے ہا بھلا دور، دور تائیں کیس سگتی دا ٹال نشان وی کوٹائی۔  
اون زندگی ٹال بہوں سگتی آلیاں گالھیں کیتیاں بہوں ناراضگی ڈکھائی تے زندگی  
سکراندی رہی اون کوئی جواب نہ ڈتا۔

تھینداں، تھینداں اک دیاں شینیاں تے پھل لگ پئے۔ ککے ککے چار پتراں

آلے چٹے تے جامنوں رنگ دے پھل۔ پھلاں رت کوں آئیاں مسکراہٹاں دے تھے  
پیش کیتے۔

ہوائیں کوں بخلگیر کرن کان ہتھ ودھائے تے زندگی اک دیاں رگاں وچ گد گدی  
کرن لگ پئی۔

ایسہ پھل امب بن گئے۔ طوطے دے رنگ آلے امب۔ اک زندگی کوں اکھا  
”تینڈے ہاے میکوں مندے لگدے ہن۔ تینڈیاں چیلایاں۔ میکوں نن بھاندیاں۔ دھرتی  
دے سینے وچ جج کھنڈاون آلا انسان میٹھوں نفرت کریندا اے وت میڈی نمود کیویں  
تھیں۔“

میں کیویں آپنی اولاد ودھیاں، کیویں میڈا خاندان ودھسی، میں کیویں دھرتی اتے  
کھلساں۔ میں لگا رت کوں بکل مار مار کے تھک گیا ہاں۔ ”زندگی کوئی جواب نہ ڈتا  
تے وڈی بے رحمی نال کھلدی رہی۔

امب پک گئے تے زندگی اوہٹاں کوں پھٹا ڈتا۔ موت دے انھے وار تھیون لگے  
تاں زندگی وت کھلن لگ پئی۔ جج نال بنل لگ پئے تے ایسہ بنلن اڈ پئے ہوا دیاں  
موجاں نال اٹھکیلیاں کریندے ہویاں اڈے اڈے پھرن لگ پئے۔  
وت ہولے ہولے زمین تے باہندے گئے۔

رت آپنی چھاتی آپ چا کھولی۔ اک دا جج بہوں مزے نال اندر لگا گیا۔ زندگی  
پہلی وار اک نال گالہ کیتی۔

”کیسہ خیال اے میں غلط ہاں کہ توں تینڈے آر میں کیسے بوٹے کوں نہیں  
ودھایا۔ کوئی بوٹا کوئی درخت ایویں آپنا جج نہیں کھنڈا سکدا۔ ایویں اڈ بکے دور دیاں  
زمین کوں آپنی ذات دے وجود تے نمود دا یقین نہیں ڈیوا سکدا۔“  
تے اج پہلی وار اک دا بوٹا کھل کے زندگی کوں چمن لگ پیا۔



## ماس

نذیر کھمار جیندے چرے تے جھریاں تے سردے والان تے مٹی پئی ہئی کئی  
گھن کے قبر کھیندا پیا ہا۔ او ایس کئی جیسی قبر کوں کھٹ کے بہوں حک گیا ہا۔ اہمہ  
اوپا نذیر کھمار ہا جیہڑا ہک ڈنہ چ چار پنج قبریں کھٹ کھندا ہاتے حکن دا ناں  
ناں کھندا۔ اوں کوں ایس کئی جیسی قبر توں خوف آندا پیا ہا۔

ہک نکا جیہا ماس دے ٹوٹے آلا وجود آپنے ہتھاں نال اوندی گچی پئی ودا ہاتے  
آہ اپیا ہا۔ "تیں میگوں مارا اے" "تیں میگوں مارا اے"۔ تیں میگوں دنیا اچ کجھ  
ساہواں وی نہیں کھن ڈتیاں۔ زمین تے آندے ای تیں میگوں ایویں نپ کے مار  
ڈتا۔ جیوں اگر میں کجھ دیر زندہ رہیا تاں توں وی زندہ نہ رہیں۔

تیکوں میڈی ماں دی درداں آلی چنچاں دا احساس وی نہ آیا۔  
توں میڈی کئی جیسی گچی کوں ایویں مروڑ ڈتا جیویں لوک روشنی عشن آلی شمع  
کوں مساون کان اوندی لو کوں چٹکی نال مسل ڈیندے ہن۔  
توں میگوں میڈی جنم ڈیون آلی ماں دی اکھیں دے ساہنے مار ڈتا تے ہن میگوں  
لکاؤن کان ا۔ تھماں گھن آیا ایں۔"

نذیر کھمار دے کناں اچ ہک معصوم تے کمزور آواز گو بجدی ویندی ہئی۔ گھبرا  
کے اوں اکھیں کھل ڈتیاں تے اگے پچھے ڈکھن لگ پیا۔ کتھائیں کجھ وی نہ ہا۔ شام  
تھیندی پئی ہئی۔ نذیر کھمار کئی زمین تے سٹہ کے ٹاہلی آلے پاسے ٹر پیا۔

جیندے تلے اوں پرانے کپڑیاں اچ ڈھیسٹ کے او ماس دا ٹوٹا رکھ ڈتا ہئی۔  
جیہڑا اوندے آپنے ماس تے خون دا ہک حصہ ہا۔ اوندی ہکا دھی وزیراں دے جسم دا  
ہک ٹوٹا۔ اوندی اکھیں اچ ہنھوں آگے۔ وزیراں کیڈی دلیری نال ایس ماس دے  
ٹوٹے کوں جنم ڈتا ہا۔ بغیر شادی توں۔ بغیر کیس شرعی تے قانونی بندھن توں۔ اوندے  
لکھ چکھن دے باوجود وی۔ اوں اہمہ نہ ڈسا جو "اہمہ گناہ آخر ہے کیندا؟"

او کیرا ظالم اے جیں ایں معصوم چھیر کوں آپنے جال اچ پھسایا تے اوندے  
 ڈھڈا اچ ماس دی صورت اسے نشانی ڈے کے اینویں الگ تھی گیا۔ جیویں اوند ایں  
 گناہ نال کوئی تعلق ای نہیں۔ اوں وزیراں کوں جہہ کٹا پر اوں نہ ڈسا۔ بس سرستے  
 کر کے روندی رہی۔

اسے وی آپنی موٹی ہوئی ماں آنگوں بہوں ضدی ہئی۔ اوندی ماں دی ضد دی وجہ  
 نال ای وزیراں ایں دنیا اچ آئی ہئی۔ نہیں تاں ایں ویلے وزیراں دے بجائے اوندی  
 اولاد پتر ہوندا تے اوند ایں وزیر ہوندا۔ اوندی تھکی ہوئی بانہواں دی طاقت پتر دے  
 ہتھ اچ آویندی تے او وی اوندے آنگوں لوکاں دیاں قبریں کھیندا۔ جیویں منظور  
 کھمار دے ڈو چھوہر قبریں کھیندے پئے ہن۔ اوندی ہن ترائے ترائے آمدنیاں  
 تھی گیاں ہن۔

وزیراں دی ماں ضد کر گھدی ہئی جو ترائے مہینے دے ڈھڈا نال او نال آلی دستی  
 دے سنس بابا کول نہ وکی جیرہ ترستاں دے ڈھڈا کوں نپ کے ہتھ پھرندے ہوئے  
 کوئی عمل کریندا ہا۔ جیندی وجہ توں ترستیں دے چھیراں دے بجائے چھوہر ہوندے  
 ہن۔

نذیر کھمار چاہندا ہا جو وزیراں دی ماں وی نال آلی دستی ونج کے عمل کرا گئے  
 کیوں جو اینویں کرن نال چھوہر جم پوسی پر وزیراں دی ماں نہ منی تے وزیراں کوں پیدا  
 کر کے مر گئی۔ اوں وی ڈو جھی شادی نہ کیتی۔ ہن وزیراں انی سالان دی تھی گئی ہئی۔  
 نذیر کھمار کوں تاں اوندی شادی دا خیال آیا۔ اوں دھی کان چاندی دے زیور  
 دی بنوا گھدے پر اوں اسے کم کیتا جو بغیر شادی توں ہک بال دی ماں بن گئی۔

اوں کوں کجھ شک وی نہ تھیا جو اسے کھلی چھیر وزیراں آپنے ڈھڈا اچ ہک ہور  
 جسم گھدی ددی اے۔ ہک ڈیہنہ اوں محسوس کیتا جو اوند ا ڈھڈا وڈا تھیندا دیندا  
 اے۔ اوں پچھا "توں مٹی کھاؤن لگ پئی ایں۔ لگدا اے تینڈے ڈھڈا اچ کیرے  
 تھیندے دیندے ہن۔" تے وزیراں جواب ڈتا۔ "نہیں بابا میں مٹی نہیں کھاندی۔"

نذیر حیران ہا آخر اسے پھل کیندا اے۔ کیس ایندے متھے تے بدنامی دا داغ لایا  
 اے۔ او بہوں سوچیندا اوں کوں کجھ یاد نہ آوندا۔ اوندی قبرستان اچ بنی ہوئی کوٹھڑی



اچ بہوں لوک آندے ہن پر سارے روندے ہوئے، کرلاندے ہوئے۔ ایہناں دا  
صد میاں تون برا حال ہوندا ہا۔ بھلا ایس ویلے کیس کون گناہ دا خیال آندا۔

وزیراں قبراں بندی ڈیہدی ہوئی جوان تھی ہئی۔ شادی تھیوے ہا تاں ایس  
قبرستان تون ڈوجھے قبرستان اچ لگی ونجے ہاتے ا۔ تھامیں بڑھی تھی کے آخر ہک  
ڈ۔ نہ قبرستان دے ہک پاسے نئی ہوئی قبر اچ دفن تھی ونجے ہا۔ کاش ایہہ پیدا  
تھیندے ای مرویدی۔ نذیر کھمار سوچیندا پیا ہا۔

ٹاہلی دے تلے ونج کے اون ڈٹھا اوتھے ماس دا ٹوٹا غائب ہا۔

اون پریشانی ٹال اگے کچھے ڈٹھا پر او نہ ملا۔ "ا۔ تھے کون آیا ہا؟۔ اگر آندا وی تاں  
اون کون کیوں چیندا۔ ضرور کوئی آوارہ کتا آیا ہوسی تے۔ اون کون او چا کھن گیا اے۔"  
نذیر کھمار دھڑکدے دل ٹال اون کون گولن لگ پیا۔ گویندے، گویندے او  
اون پاسے نکل آیا جتھاں دولت آلے وڈے بندے دفن تھیندے ہن۔ ا۔ تھے بوٹے  
وی ہن تے زمین وی چٹکی ہئی۔ ہن ایس پاسے منظور کھمار کیندی قبر کھیندا پیا ہا۔  
قبرستان دی چٹانک دے ٹال موٹر سائیکلاں، سائیکلاں تے ڈو، ترائے کاراں کھڑیاں ہن  
تے بہوں سارے لوک وی ہن۔

نذیر کھمار دھڑکدے دل تے کبندے پیراں ٹال ا۔ تھماں کھڑا تھی گیا۔ او آپنی  
مصیبت کئی کون ڈساوی نہیں سکدا۔ اون بہوں رازداری تون ایہہ کم کیتا ہا۔ کئی کون  
پتہ وی نہ لگے ہاتے او وزیراں دے گناہ دی ایس گنڈھڑی کون زمین اچ دفن کر  
ڈیوے ہا۔

منظور کھمار دا وڈا چھوہر اوندے ٹال کھڑا ہا۔ اون ڈسا جو "عتایت حسین ٹھیکے  
دار مر گئے ہن۔" "اچھا او تاں بہوں چنگے بندے ہن۔ کیا کجھ بیمار ہن۔" نذیر دے  
مونہ اچوں نکلا۔ "ہارٹ فیل تھی گیا ہئی۔" ایہہ آکھ کے منظور کھمار دا چھوہر قبر  
اچ لہ گیا۔ ہن میت قبر اچ رکھی ویدی ہئی۔ نذیر کھمار دے ساہنے عتایت حسین  
ٹھیکے دار دا چہرہ آگیا۔ "بہوں دل آلے بندے ہن۔ غرباں دا خیال رکھیندے ہن۔  
اوہاں دی مدد وی کریندے ہن۔" ہک ایہناں دا گھرای تاں ہا جتھاں وزیراں کون  
عید آلے ڈ۔ نہ بھیج ڈیندا ہا۔ کیوں جو عتایت حسین دی بیگم عید آلے ڈیند وزیراں

کوں کپڑے ڈے چھو ڈیندی ہئی۔  
 اوہناں دا ہک چھوہروی تاں اے۔ کیا اخلاق امہ کم کیتا اے؟“ پر اوں ایں  
 خیال کوں آپنے ذہن چوں کڈھ ڈتا۔ کیوں جو اخلاق بہوں شریف بندہ ہا۔ ہک ڈنر  
 وزیراں وی ڈیندی پئی ہئی جو اوندی تربیت بہوں سوہنی اے پر اوندے کوئی اولاد  
 نہیں تھی۔

”تے وزیراں کیہڑی کوئی پری ہئی جو اخلاق آپنی حسین تربیت کوں چھوڈ کے  
 ایں نال امہ کم کریندا“۔ نذیر کبھار چپ کر کے عنایت حسین دی بندی ہوئی قبر کوں  
 ڈیسا پیا ہاتے اخلاق دی اکھیں باریاں ہن۔ او آپنے پو دی قبر بندی ہوئی ڈیکھ کے  
 بہوں زور زور نال رون لگ پئے۔ ”بابا تماڈے بغیر زندگی کیوں لکھی۔“  
 نذیر کبھار دیاں اکھیں اچ امہ منظر ڈیکھ کے ہنہموں آگئے۔ قبر بند تھی مگنی ہئی  
 تے اخلاق ہوراں روندے پئے ہن۔ اوں کوں روند اڈیکھ کے سیٹھ ناصر خان آکھا۔  
 ”پتر اخلاق آپنے آپ کوں سنبھال نہیں تاں عنایت حسین بھرا وی روح کوں  
 تکلیف تھئی۔“ پر اخلاق دیاں ارداساں بند نہ تھیاں۔

”بہوں نہ رو اخلاق احمد لھیکے دار کبھ ہنہموں آپنے چھوہرکان وی بچا گھن۔“  
 ہائیں امہ آواز کیندی ہئی؟۔ امہ آواز تاں وزیراں دی ہئی۔ چپ چاپ  
 رہوں آلی وزیراں۔ وکھرے وال کزور جسم تے ہک قاتل آواز۔ ”توں وزیراں۔“  
 اخلاق احمد دے مونہ اچوں صرف امہ نکلا۔

”ہا میں وزیراں۔“ میں کل عنایت حسین لھیکے دار کول مگنی ہم تے میں اوہناں  
 کوں ڈسا ہا۔ جو میں تینڈے پتر دی زبردستی دا شکار تھی ہاں تے ہن اوندے گناہ کوں  
 جنم ڈیون آلی ہاں پر او امہ صدمہ بدداشت نہ کر سکے تے اوہناں کوں دل دا دورہ پے  
 گیا۔ میں تینڈے بال کوں جنم ڈے ڈتا پر میڈے بابا دی غیرت ایں کوں زندہ نہ رکھ  
 سکی تے میں ہن ایں کوں تینڈے حوالے کریدی پئی ہاں۔

بیکوں تینڈی جنم آنگوں تربیت دی گود اچ آونا چاہیدا ہا۔ پر تیں ایں کوں  
 قبرستان دی کالی کوٹھڑی اچ برباد کر ڈتا اے۔ توں آپنے پو کوں تاں دفن کر ڈتا اے۔  
 ہن آپنے بال کوں وی دفن کر ڈے۔ جیندا گناہ بس امہ اے جو ایں اوں ڈھڈاچوں





## درد و احساس


”پیر حاکم شاہ دے مزار تے چوری تھی گئی اے۔“ ”پیر حاکم شاہ دے مزار تے چوری تھی گئی اے“ ایسہ گالہ قصبہ دے ہر بندے دی زبان تے کجھ دیر اچ ای آگئی ہئی۔

وت مبارے لوک پیر حاکم شاہ دے مزار آلے پاسے دیندے پئے ہن۔ ہر بندے دے دل اچ چور کان نفرت ہا۔ کجھ دیر توں بعد پیر حاکم شاہ دے عقیدت منداں تے مریداں تھانے تے حملہ کر ڈتا۔ تھانے دے انسپکٹر عظمت اللہ خان ایہناں کوں یقین دئیایا جو ”ہوں جلدی اساں چور کوں نپ کھنہوں۔“

ہک صدی پہلاں دی گالہ اے۔ نواب رحمت علی پیر حاکم شاہ دے مزار دے ستوناں کوں سونے دی پتری دے بنے ہوئے پھل لوائے ہن۔

پیر حاکم شاہ دے مزار تے دنیا آندی ہئی پر کہیں دی ہمت ہئی جو کوئی ایٹاں ستوناں کوں غلط نظر نال ڈیہدا۔ مزار دا مجاور سرور مزار دے اندر سدا ہاتے باہر چار پنج مرید پہرہ ڈیندے ہن۔ ہر کیس کوں معلوم ہا جو پہرے دار بھنگ پی کے تے رہندے ہن۔ پر کیس چور کوں وی ہمت نہ تھی جو مزار آلے پاسے چوری دی نیت نال آندا۔ اوہ ڈ۔ نہ جڈاں مجاور سرور تے مرید ہوش اچ آئے تاں مزار دے ستون ویران پئے ہن۔ ستوناں تے لگے ہوئے سونے دی پتری دے پھل کوناہن۔

ہک ہفتہ نگھ گیا پر پس آلے اوں چور کوں نہ نپ سکے۔ جیس پیر حاکم شاہ دے مزار تے چوری کیتی ہئی۔



ظہوراں دی ماں منجی تے چادر دچھاندے ہوئے آہنی چھیریاں آلے پاسے ڈٹھا۔ او ڈوہائیں اپنے کم اچ لگی ودی ہن۔ نوراں بوہاری ڈیندی پئی ہئی، ظہوراں سبزی کھیندی پئی ہئی۔ ڈوہائیں دی عمر لنگھدی دیندی ہئی۔



ایہناں دی وڈی بھینن ایس عمر اچ ڈو بالاں دی ماں بن گئی ہئی۔ ”ماں ڈکھ تال سوچا۔“ پر اوں ویلے ایڈی غربت نہ ہئی۔ اوں ویلے غلام عباس تال حمید دی کماندا ہا پر اوندی شادی کیسہ تھئی جو جوان پتر ہتھ اچوں نکل گیا۔ ”غلام عباس بیسرا ٹاؤن کمیٹی اچ کلرکی کریندا ہا ہن ریشاڑ تھی گیا ہا۔ نوراًں تے ظہوراں دی ڈو بھیناں ہو رہی ہن۔ او دی ہن جوان تھیندی ہنیاں ہن۔ نوراًں تے ظہوراں دی آپنے جیس لوکان وچ گالہ تھی ہوئی ہئی۔ پر غلام عباس تے اوندی زال ایہناں دی شادی بارے سوچ کے پریشان تھی ویندے ہن کہ ایہناں دی شادی دا خرچہ کتھوں آسی۔

اوں شام گھر اچ بہوں اداسی ہئی۔ ظہوراں دے سوہریاں دے گھر آلے اکھ مئے ہن۔ ”شادی دی تاریخ جلدی ڈیو نہیں تاں اسال آپنے چھوہرا رشتہ کتھائیں ہو کر گھنوں۔“ ظہوراں دی ماں اوں ویلے دی روندی پئی ہئی جو ”ہن کیسہ تھیںسی“ ظہوراں مجرم بن کے اندر بیٹھی ہئی تے سوچیندی پئی ہئی جو ”گھر اچ ایسہ مصیبت میڈی وجہ توں آئی اے۔ نہ میں چھیر ہوندی نہ شادی کان ایویں مجبور ہوندی۔“ نوراًں اداسی تال کم کریندی پئی ہئی اوں کوں معلوم ہا جو ایسہ پیغام اوندے سوہریاں آلے پاسوں وی آون آلا اے۔ تے کئی مہینیں کھیڈ دی ودی ہن ایہناں کوں ایسہ احساس ای نہ ہا جو ایہناں دا وقت وی جلدی آون آلا اے۔

اوہناں کوں وڈی ہوندی ڈیکھ کے اوہناں دی ماں کوں ہنسے تال خوف آون لگ ویندا ہا۔

جڈاں غلام عباس کوٹھڑی اچ آیا تاں اوندے ہتھ اچ ہک تھیلی ہئی تے کئی چھیریاں اوندا ولانپ کے آندیاں ہنیاں ہن۔ ”بابا ایس تھیلی اچ کیسہ اے۔“ کئی حنیقاں آپنے پو توں پچھا۔ غلام عباس اوں کوں جواب ڈتے بغیر تھیلی کھولی تاں حیرت تے خوشی دی کیفیت اچ ڈیہدی رہ گئی۔ نوراًں آٹا ملدے ہوئے حیرانی تال پو کوں ڈیہدی پئی ہئی۔

ظہوراں دی ماں اوں توں پچھا جو کیسہ گالہ اے تاں چپ کیوں ہو۔ ”ایسہ ایسہ نوٹ بہوں سارے نوٹ۔ میں بزار اچوں گھر آندا ہیا ہم تاں ایسہ آپنے بوہے اچ نوٹاں دی تھیلی پئی ہئی۔“ ساری چھیریاں ایہناں دے کول آکے حیرت تال نوٹاں

کوں ڈیکھن لگ وینیاں۔

”پتہ نہیں چپ کر کے کون رکھ گیا اے۔ سمجھ نہیں آندی ایہو جیہا کیرا چکا بندہ اے جس ساڑے حالات کوں ڈیکھ کے ساڑی دھیاں دی شادی کان اتھے اے۔ نوٹ سٹ گیا اے۔“

میں تاں ہر اوں بندے توں بھروسہ کر کے ادھار منگا ہا۔ جس توں کچھ ملن دی امید ہا۔ غلام عباس اپنی گھر آلی کوں آہدا پیا ہا۔ اوندی اکھیں اچ خوشی آلے پنجوں آگئے۔ ”اے گھن ظہوراں دی ماں ایہناں کوں سنبھال کے رکھ گھن اے پیے ساڑی دھیاں دی شادیاں کان کم آسن۔“ غلام عباس خوشی اچ کبندے ہوئے آکھا۔

”نہیں ظہوراں دے پو اے پیے کیندی امانت ہن۔ کوئی پتہ نہیں ایہناں کوں کوئی گو لیندا آونجے۔“ ”نہیں ظہوراں دی ماں اے تھیلی ساڑے بوہے دے اندر پئی ہئی کوئی نیک بندہ ساڑی مجبوری دی وجہ توں اے پیے اتھے سٹ گیا اے۔ کاش میں اوں نیک بندے کوں ڈیکھ گھٹاں۔ میں اوں کوں ہمیشہ یاد رکھساں، گدی دی نہ بھلساں۔“ نوراں تے ظہوراں دی شادیاں ہوں چنگے طریقے نال تھی کینیاں تے او ڈوہائیں آپنے آپنے گھراج خوش ہن۔ ہن غلام عباس تے اوندی زال کوں دھیاں دی بھار ناہن لگدیاں۔ ایہناں دی زندگی اچ بھار آگئی ہئی۔

پیر حاکم شاہ دے مزار تے چوری تھی ہوئی ہک عرصہ تھی گیا ہا پر ہن تائیں پس اوں چوری دا پتہ لاون اچ کامیاب نہ تھی۔ لوکاں دا جوش تے غصہ ہن تائیں عروج تے ہا۔ جیندی وجہ توں پیر حاکم شاہ دے مرید قصبے دے تھانیدار عظمت اللہ خان دے خلاف تھی گئے کچھ پڑھے ہوئے لوکاں اے شکایت اگے تائیں پو پچھا ڈتی۔ ایہویں عظمت اللہ خان دے جلولہ دا آڈر آگیا۔ جس ڈینہ اے آڈر آیا۔ اوں رات مزار تے دت چوری دی واردات تھی گئی۔ ایں وار چور نذرانے دے صندوق تے ہتھ صاف کیتا۔

پس اوچھے اپڑی تاں مریداں تے مجاوراں تھانیدار کوں ڈسا جو ایں وار چور ساڑے ہتھ آندا آندا رہ گیا۔ ساڑی اکھ کھل گئی ہئی پر اوں کوں نہن توں پہلاں ای چور سن اچ کامیاب تھی گیا۔ ”اے چور کس پاسے نسا اے؟“ عظمت اللہ خان



۱۔ نہاں توں پچھا۔

او مریداں دے دُسن آلے راہ دا جائزہ کھدا تاں اوندی اکھیں بھکن لگ پیاں۔  
راہ اچ تلے آلی کھیڈی ڈا ہک پیر پیا ہا ہر کیس کول پتہ ہا جو ایہو جیسی کھیڈی وحید پاندا  
اے اوہے گھنے اچ پس وحید کول نہ کھدا۔ اوں اپنے بیان اچ ایہناں ڈوہائیں  
چوریاں کول من کھدا۔ ایویں سارے قصبے اچ ایہہ خبر پھیل گئی۔

کچھ دیر تاں لوکاں ایں گالہ تے یقین نہ کیتا جو وحید جیہا شریف چھوہر چوری کر  
گھدا اے۔ پر جڈاں وحید آپ چوری من گھدی تاں لوکاں دے دلاں اچ اوں کان  
نفرت تھی گئی۔ تے پیر حاکم ساہ دے عقیدت مند تھانے دے باہر اکٹھے تھیون لگ  
پئے۔

۱۔ نہاں وچ غلام عباس دی ہا۔ اوں کول وی یقین ناہی آندا پیا ہا جو وحید چوری  
کر گھدا اے۔ او وحید کول بہوں ڈ۔ نہ توں جاندا ہا۔ اوں وچ کوئی بری گالہ نہ ہا۔  
کچھ عرصہ پہلاں جڈاں غلام عباس وحید دے پو توں ظہوراں دی شادی کان  
قرض منگا ہا۔ اوندے پو اوں توں معذرت کر گھدی ہئی۔ اوں ویلے وحید اوں کول  
بہوں ادب نال آکھا ہا۔

”چاچا جی محلے دیاں ساریاں چھیریاں پھینیں آنگوں ہوندی ہن۔ کاش اساں  
غریباں کول کچھ ہوندا تاں تماکوں ایویں مایوس نہ ونجنا پودے ہا۔“  
غلام عباس نفرت نال سوچا۔ ”بد فطرت“ چور تھیدی ڈتی ہوئی رقم میں آپنی  
دھیاں دے جینز تے لیندا تاں ساری عمر روندنا رہندا۔“

تھانے اچ وحید کول بہوں کٹا گیا پر اوں نہ ڈسا جو اوں سونے دا کیسہ کیتا اے؟  
پس ہک جتنے دا ریمانڈ گھن کے وحید کول جیل بھیج ڈتا۔ تھانیدار دا خیال ہا جو وحید  
اک پکا چور اے۔ او چوری دی ڈوجھی وارداتیں دی وحید دے ذمے لاونا چاہندا ہا۔  
وحید دا کہو بیان ہا جو ”اوندی ایہہ ڈوجھی چوری اے تے اوں ایہناں چوریاں توں سوا  
ہور کوئی چوری نہیں کیتی۔“

او پس دے تشدد دے باوجود وی ایہہ نہ ڈسا جو اوں سونے دا کیسہ کیتا لہجے؟  
جڈاں پس آلے وحید کول تھانے توں جیل آلے پاسے گھدی ویندے ہن۔ اوں ویلے

بیر حاکم شاہ دے عقیدت مند اوں کوں نفرت نال ڈیہدے پئے ہن۔ اوں سارے  
لوکاں کوں اپنی اکھیں نال ڈٹھاتے آخر اونڈی نظر غلام عباس دے چرے تے آکے  
رک گئی۔

غلام عباس دی نظر اچوں نفرت دے شعلے نکدے پئے ہن۔

وحید دی کالی اکھیں اچ درد دا احساس جاگ پیا۔

وت پتہ نہیں کیہ تھیا جو غلام عباس دا نفرت آلا چہرہ ڈھلا پے گیا۔

وحید دی نظر اچوں اٹھا ہویا درد اونڈیاں اکھیں اچ سام گیا۔

تے اونڈے کناں اچ اہمہ الفاظ کوں بھدے پئے ہن۔

”چاچا جی محلے دیاں ساریاں چھیریاں بھینس آنگوں نہونڈی ہن۔ کاش اسان

غریباں کوں کچھ ہوندا تاں تماکوں اینویں مایوس نہ ونجنا پودے ہا۔“


-----



## اقبالیہ بیان

ہیروئین دے سمکراں دا باس زمان خان بہوں بے چینی تے پریشانی نال کمرے  
 وچ پھردا دوا ہا۔ اوندے ساتھی اداس چہرے گمن کے چپ بیٹھے ہن۔  
 کمرہ ایئر کنڈیشنڈ ہون دے باوجود باس دے متھے بے چینہ آیا دوا ہی۔ بے کر  
 اوں کل عدالت وچ اپنی زبان کھول ڈتی تاں اسان سارے پھانسی چڑھ ونیوں کیوں جو  
 او ساڈے سارے کالے دھندیاں توں واقف اے۔ باس آہا پیا ہا۔  
 ”پر اوں پس دے ساہنے کوئی جواب نہیں ڈتا۔“ ہک ساتھی باس کوں تسلی ڈیوٹی  
 چاہی

”پس عدالت وچ اقبالیہ بیان گمن کے کیس مضبوط کرنا چاہندی اے۔“ باس غصے  
 وچ آکھا، ”ڈو منٹ تائیں کمرے وچ چپ رہی شاید اوہناں دے ساہنے پھانسی دا پھندا  
 نکدا پیا ہا۔“ ہک علاج اے۔“ باس جیویں خاموشی دے تلاب وچ پھرنا ہووے۔  
 احمہ سن کے سارے ساتھی اوں آلے پاسے ڈ۔ گمن لگ پئے۔ ”جمال کوں  
 عدالت وچ بیان ڈیون توں پہلاں مار ڈیو پر بیمار کوں دوا ڈیون کون ویسی؟“۔ ”میں  
 ویساں۔“ ہک بندہ اوہناں چوں کھڑا تھی گیا۔ ”ٹھیک اے“ توں اوندہ خون کر ڈے۔ اگر  
 توں نپا وی گیا تاں پس تینڈے کول کجھ وی نہ منوا سگی تے اسان تیکوں بچا  
 گھنوں۔“



جیل دی کوٹھڑی وچ جمال بیٹھا ہویا خیالاں دی دنیا وچ گم ہا۔  
 ڈو سال پہلاں او باس دے گینگ وچ شامل تھیا ہا۔ ہک طویل بے روزگاری اوں  
 کوں این بھنور وچ چھک گھدا ہا۔ جمال کوں اوں بھیاںک شام یاد آئی جڈاں او  
 سارے ڈ۔ نہ نوکری تلاش کر کے سمندر دے کنارے تے بہوں مایوسی وچ بیٹھا  
 ہویا ہا۔ ہک بندے جیوں بہوں قیمتی سوٹ پایا ہویا ہا۔ اوں کول آپکھا ”ایں سوہنے ماحول  
 47

دج توں اداس کیوں نظر آندا پیا ایں۔“

”کوئی خاص گالہ نہیں۔“ ”میکوں ڈس شاید میں تینڈی مدد کر سگالں۔“

”میکوں نوکری دی تلاش اے۔“ ”پر ایں دج اتنا اداس تھیون دی گالہ  
تاں نہیں۔ میڈے نال آ اوں ریسٹورنٹ دج چاء پیندے ہاں۔ میں تیکوں نوکری  
ڈیالں۔“

جمال تے جیویں جادو تھی گیا ہووے او اوندے نال ٹر پیا۔ او بندہ اوں کوں ہک  
چنگے ریسٹورنٹ دج گھن گیا اعلیٰ قسم دی چاء تے اوندی دلچسپ تے دل کھچویں گالھیں  
جمال دا موڈ بدل چھوڑا۔ جمال ہن دل کھول کے قہقہے لیندا پیا ہا۔ ”میڈا نال طاہر علی  
اے ہک ڈ۔ نہ میں دی تیں آنگوں اداس ہم۔ اج میڈی زندگی اج اداسی کان کوئی جاہ  
نہیں۔“ ”تساں کیسہ کم کریندے ہو؟“ ”بہوں آسان کم پر او کم بزدلاں دا نہیں۔  
تینڈے تے میڈے جیوں جوان مرداں دا اے۔“ اوں سگریٹ دا کش لیندے ہوئے  
آکھا۔

”میکوں کیہ کرنا ہوسی۔“ ”اگر توں سیرس ایں تاں صاف صاف گالہ کراں۔“  
”ہا سنیں صاف صاف گالہ کرو میں بہوں ضرورت مند تے مجبور ہاں۔“  
طاہر علی اوں کوں ہیروئین دی سمگلنگ دا سارا کم ڈسیندے ہوئے آکھا جو مہینے  
دج پنج توں ڈاھ ہزار تائیں آمدن تھیں اگر کوئی خاص ہویا تاں پنجی ہزار تائیں تھی  
سگدی اے۔ جمال کوں ایویں لگا جو طاہر علی انسان نہیں فرشتہ اے۔ اوں کوں آپنے  
خواب حقیقت دج بدلے ہوئے محسوس تھے۔

چنگے کپڑے، چنگا گھر، چنگی کار تے خوبصورت گھر آلی۔ ایسہ سارے خواب تاں  
اج دا ہر انسان ڈیسا اے پر جمال آپنے کئے بھرا نثار کوں اعلیٰ تعلیم، مکی بھین دی  
شادی تے اپنی بیمار ماں دا علاج کراون دے خواب ڈٹھے ہن۔ اوندانکا بھرا فاروق جیوں  
میزک کہتی ہئی۔ ہن انجینئرنگ دی تعلیم حاصل کرنا چاہندا ہا پر او اتنے پیسے کتھوں  
گھن آوے ہا۔ ہن او سوچیندا پیا ہا جو اوندی مشکلات دور ہو سگدیاں ہن۔

کھرکی کرن دج اوندی ہک دی خواہش پوری نہ تھیوے ہا۔ طاہر علی اوں کوں ہک  
ترقی دا راہ ڈس ڈتا ہئی۔ او خوشی نال اوہناں دے گیگ دج رل گیا۔ پہلے مہینے اوندی



ماں دا علاج شروع تھی گیا۔ ڈوجھے تر بجھے مینے اوندہ بھرا اعلیٰ تعلیم حاصل کرن لگ پیا  
تے اوندی بھین دا رشتہ وی تھی گیا۔ گھروچ پیساں دی وجہ توں رونق تھی گئی۔ جمال  
بھوں پیساں دے لالچ وچ بھوں کم کرن لگ پیا۔ گھروچ اوں آکھا جو میں ہک بیمہ کمپنی  
وچ ملازم تھی گیا ہاں۔

جمال دا باس زمان خان بیرم اولویس تاں بھوں شریف نظر آندا ہا پر اندروں  
بھوں ظالم بندہ ہا۔ او اپنے مفاد کان آپنے پو کوں وی قتل کر سکدا ہا۔ سماج اچ اوندی  
بھوں عزت ہا۔ ہک ڈ۔ نہہ جمال ہیروئین سنگٹنگ کریندا ہویا نپا گیا تے اچ او اقبالیہ  
بیان ڈیون کان عدالت وچ آندا پیا ہا۔ پس دے پھرے وچ جمال کوں عدالت وچ پیش  
کرن کان لایا گیا۔ عدالت دے باہر اچانک ہک کار اچوں گولی چلی تے جمال دے اچ  
سینے لگی۔

کار آکا بندہ قتل کر کے کار وچ بھجن لگا تاں پس آلاں اوندی کار دے مینے بے  
کار کر ڈتے تے اوں کوں نپ گھدا۔

کچھ ڈ۔ نہہاں توں بعد جمال دے قاتل ریاض کوں پس دے پھرے وچ عدالت  
وچ پیش کیتا گیا۔ عدالت وچ جمال دا نکا بھرا ثار وی آپنے بھرا دے قتل دا فیصلہ  
سنن آیا ہا تے بھوں رنجیدہ ہا کیوں جو اوندے بھرا دے قتل دی وجہ توں اوندہ خاندان  
تباہ تھی گیا ہا۔

ماں دا علاج ہن ممکن نہ ہا۔ مکی بھین دا رشتہ ترٹ گیا ہا تے اوندی تعلیم وی  
پوری نہ تھی سکدی ہئی۔ یونیورسٹی وچ انجینئرنگ دا اوندہ امدہ آخری سال ہا پر  
یونیورسٹی دے لوک اوں کوں ہن چنگا نا ہن جانڈ دے کیوں جو او ہک سمگلر دا بھرا ہا۔

اوں سوچا جو ”میں پڑھساں وی تے مزدوری وی کریں تے انجینئرنگ دی ڈگری  
گھن کے نوکری کریں تے ایں ویلے تاں اوندی ہکا خواہش ہئی جو جمال بھرا دے  
قاتل کوں سزائے موت تھیوے۔ او عدالت وچ کتاباں ہتھ وچ گھن کے تے سرکوں  
تے کر کے بیٹھا ہا۔ عدالت دی کارروائی شروع تھی تاں ملزم ریاض عدالت وچ جرم  
قبول کرن توں انکار کر ڈتا۔ اوں عدالت وچ آکھا۔ ”میں جمال کوں جاندا وی نہیں۔  
میں اوں کوں گولی نہیں ماری۔“ وت عدالت وچ شہادتیں وی اوندی حمایت وچ

تھیاں۔

قانون وک گیا۔ اوندے بھرا جمال دے قاتل ریاض کوں باعزت بری کر ڈتا گیا۔  
ایسہ فیصلہ سن کے ٹار دی اکھیں دے اگے اندھارا تھی گیا۔ او سوچیندا پیا ہا "ہیسیاں  
نال ہر شے گھدی ونج گھدی اے کہیں دا خون وی۔"

وت اوں فیصلہ کر گھدا جو ہن ہر حال ونج دولت کما نیساں۔ او مایوسی دی حالت  
ونج آہنی کتاباں بھکا کے عدالت توں باہر نکل آیا۔

او نوکری گولن لگ پیا۔ اوندی لکھ کوشش دے باوجود وی اوں کوں نوکری نہ  
ملی۔ آخر گھر ونج ہک ڈ۔ نہ فائدہ وی تھی گیا۔

سویلے اوں گھراچوں آپنے بھرا جمال دی پستول چاکی تے ہک بنک ونج وڑ گیا۔  
اوں جڈاں پستول کڈھی تاں بنک دے بندے بنک دا الارم دجا چھڑیا۔ اوہ بنک  
دے اوں بندے کوں گولی مار کے بھیج پیا۔ فائر دی آواز سن کے پس اوندے پچھے لگ  
پئی۔ او بھدا رہیا، بھدا رہیا۔ ہک موڑ تے ونج کے ہک وڈی کار اوندے نال آرکی۔  
اوہناں آکھا۔ "کلمہ اچ آونج اساں تیڈے دوست ہاں۔ دشمن نہیں اساں تیکوں پس  
توں وی بچا گھنوں۔" او کار ونج بہہ گیا۔

ایسہ کار اسمگلراں دے باس زمان خان دی ہئی۔

وت او دولت مند بن کے سماج توں انتقام کھنن کان اوہناں دے گینگ ونج دل  
کیا۔

-----



بکھ

جون دی او سلکدی ہوئی ڈوپرہی۔ جڈاں میڈم شکیلہ اوں کوں لٹاں مٹھن کیتے  
آکھاتے ایہو جیسی نظراں ٹال ڈٹھا جو ناصر ڈگرگا گیا۔

او حیران ہا جو اج میڈم شکیلہ کوں کیہہ تھی گیا اے۔ جڈاں گھٹ دودھ ڈو مہینے  
پہلاں میڈم اوں کوں آپنے گھر وچ ملازم رکھا ہا تاں ناصر کوں ایہہ چالھی، پنہماہ  
سالاں دی میڈم چنگی لگی ہئی۔ کیوں جو میڈم اوں کوں ملازمت ڈے کے ملازمت  
گولن اج در بدر دی ٹھوکراں کھاؤن توں بچا کھدا ہا۔ میڈم دے ایہہ الفاظ اوندی  
سماعت وچ ہتھوڑاں آنگوں وچ جڈاں اوں آکھا۔ "میں آپنے ملازماں کوکدی غیر  
نہیں سمجھندی تے خاص طور آپنے فرمانبردار ملازماں دی تاں میڈے دل وچ وڈی  
عزت تے محبت ہوندی اے۔"

پر ناصر نوکری چھوڑ کے ٹر پیا۔ او ایہو جیسی نوکری اتے لعنت بھیجدا ہا۔ جیہڑی  
اوندی زال دی محبت تے اوندے حقان اتے ڈاکہ پاوے۔

شام دے اندھارے پاسے کھنڈ گئے ہن تے رات شام کوں آپنی معمولی وچ گھن  
کھدا ہا۔ ناصر بھدا رہیا، بھدا رہیا ہک پھانک توں ڈو جھی پھانک۔ ہک فرم توں  
ڈو جھی فرم۔ اج ناصر کوں ہک حقہ تھی گیا ہا پر اوں کوں کئی وی ملازمت نہ ڈتی۔

جڈاں ناصر تھک کے گھر آلے پاسے ٹرن لگا تاں گھڑیاں یاراں وجن دا اعلان  
کیتا تے اوں سوچا جو ساڈے گھر وچ ڈو ڈ۔ نہ توں ہلکا گرم تھیا ای نہیں تے ٹال  
اوندے ذہن وچ ایہہ الفاظ گونجدے پئے ہن۔

"کیا اج وی شہناز بھکی سم پوسی؟" "کیا میڈا ہال ایس دنیا وچ آون توں پہلاں  
ای مروسی؟" او شہناز تے آپنے ہون آلے ہال کوں بکھ توں بچاؤن کان سیٹھہ رحیم  
الدین کول وی گیا۔

جیندے مسالے دی فیکٹری وچ پہلاں او کم کریندا ہا۔ ناصر اوندی نوکری ایس وجہ  
توں چھڈ ڈتی ہئی کیوں جو ناصر کوں او مسالیاں وچ ملاوٹ کرن دا حکم ڈیندا ہا تے

آپنیاں تجوریاں بھرن جیتے لوکاں دیاں زندگیاں ٹال کھینڈ دا ہا۔  
 پر ناصر اوندی گالہ کون نہ منی کے نوکری چھڈ ڈتی۔ او کجھ پیساں جیتے انسان دا  
 خون تھی کر سکدا۔ اج او ناصر آغی زال تے اپنے ہون آلے بال کون بچاؤن کان  
 سیٹھ رحیم الدین دے ہر حکم دی تعمیل کرن کون تیار ہا پر اوتھاں وی اوں کون نوکری  
 نہ ملی۔

گھر آیا تاں روز آنگوں اج وی شہناز بوہے تے کھوٹکے اوندے انتظار کریندی پئی  
 ہئی۔ پہلاں وی جڈاں شام کون کم کر کے او گھر آندا ہا تاں شہناز بوہے تے اوندی خیر  
 ہوندی ہئی۔ جھٹ دی دیر وی اوں کون پریشان کر ڈیندی ہئی۔  
 وت ناصر منجی تے ڈیر تھی کے اکھیں ٹوٹ گھیاں او شہناز کون ہوں کجھ ڈنا  
 چاہندا ہا جیں اوندے کان آہنا گھر۔ ماں پو۔ بھین بھرا تے آہنا ماضی وی بھلا ڈتا۔ او  
 ڈسا ڈیونا چاہندا ہا جو او کیوں کجھ آفس۔ کجھ گھر دے بوہے تے گیا۔ کیوں  
 کجھ کجھ سرمایہ دار دی منت کیتی۔ وت وی کجھ نہ ہٹا کئی نوکری نہ ڈتی۔  
 پر ناصر اوں کون کجھ نہ آکھ سگا۔ کجھ وی نہ۔ او وی چپ چاپ اوندے اگے  
 زمین تے برے کے اوں کون ڈیندی رہی۔

جیویں آہدی پئی ہووے ”میں جاندی ہاں ناصر تیں کیا کیا نہ کیتا ہوسی۔ سارے  
 ڈ۔ نہ دھپ وچ توں کتھے کتھے نہ پھرا ہو سیں۔ میں جاندی ہاں“ میں جاندی ہاں توں  
 میڈے کان کجھ وی کر سکدا ایں۔ آہنی جان تائیں قربان کر سکدا ایں۔“  
 پر او چپ رہی۔ ناصر آلے پاسے ڈیندی رہی تے کبھی سم پئی۔

اج او شام تھیون ویلے ای گھر ٹہریا۔ او سارے ڈ۔ نہ دی حکمن توں چور ہا۔  
 اوندے پیر درد کریندے پئے ہن۔ پر اوں کون کوئی وی نوکری نہ ملی۔ گھر اڑا تاں  
 شہناز اوندے بوہے اتے کھڑکے انتظار کریندی پئی ہئی۔ کجھ واریں اوندی نظر اوندے  
 جسم تے گئی تاں اوں کون اپنے آپ ٹال نفرت تھیون لگ پئی۔ او کئی کمزور لگدی پئی  
 ہئی۔ اوندے کھل دے گلاب سک گئے ہن۔ یا قوت جیہہ ہوشاں تے پھر پاپاں جم گئی  
 تے اوندی اکھیں دے آسے پاسے کالبے نشان پے گئے ہن۔ اج وی روز آنگوں اوں  
 سکر کے اوندے استقبال کیتا۔

او ساری رات سوچیندا رہیا جو شہناز کان میڈم کھلیہ دی نوکری چھڈ آیا ہم۔ ہن



اوندے کان تے ہوون آلے بال کان میگوں ولا میڈم دے گھرو نجا پوی نہیں تیں  
میڈی شہناز بکھ توں ترپ، ترپ کے مروسی۔

وت اوں فیملہ کر کھدا جو اوکئی قیمت تے وی میڈم دے گھرنہ وکی۔  
پر سویرے ناصر اپنی زال شہناز تے آپنے بال کوں بچاون کان میڈم کھلیہ دی  
کوٹھی آلے پاسے ویدا بیا ہا۔

-----

## سک

اشو آہنی گھوڑی کوں شراب، شراب چھانٹا مریدا پیا ہا۔ ایویں گلد ہا جیویں  
 گھوڑی دے جسم نال ایں چھانٹے دا ک الٹ رشتہ اے۔  
 اشو اوں کوں چھانٹے مریدا ویدا ہا پر کمزور تے بڑھی گھوڑی دی چال اچ فرق نہ  
 آیا تے اوندے نال نال بڑھا ٹانگہ چرخ چوں، چرخ چوں کریدا ویدا ہا۔  
 ٹانگے تے بیٹھی ہوئی سواریاں شور کریداں، ہنیاں ہن۔ کک آہدا ہا۔ "ایہ  
 ٹانگہ اے یا ڈانداں آلا گڈا۔" ڈوجھا آہدا ہا۔ "ایں تے آون دے بجائے میں ر کے  
 آونجاں ہا تاں چنگا ہا۔" تے تر بھا آہدا ہا۔ "پتہ نہیں ایہہ گھوڑی منزل تائیں  
 اپڑیندی اے یاں راہ وچ ای اللہ کوں پیاری تھی وکی۔" اشو دے ہتھ والا چھانٹا۔  
 اوہناں دی گالھیں تے ہور تیزی نال "شراب، شراب" کرن لگ پیا۔  
 ٹانگے دے دھکے تے شراب، شراب دی آواز توں تک تھی کے ٹانگے اچ بیٹھے  
 ہوئے کک بابو آکھا "بھوں واہیات سواری اے۔ ایں توں تاں چنگا ہا جو اساں ویکن یا  
 بس تے لگے ونجوں ہا۔ آرام نال دی ونجوں ہا تے جلدی دی۔"  
 سواریاں دیاں گالھیں سن سن اشو آکھا۔ "ٹانگہ ویدا تاں پیا اے۔ تاں ٹانگے  
 اچ بیٹھے ہو ہوائی جہاز اچ نہیں۔ تاں ڈیوے نہیں پئے میں کیویں گھوڑی کوں  
 مریدا پیا ہاں۔ ہور کیا ایں کوں جان توں مار ڈیواں۔"  
 تے وت شراب، شراب دی آواز تیز تھیندی گئی۔ اچانک اوندی نظر گھوڑی دی  
 کندھے پئے ہوئے پرانے زخم تے گئی۔  
 جتھوں تازہ خون واہندا پیا ہا۔ اوں کوں ڈکھ کے اشو دا ہتھ رک گیا۔  
 اشو کوں بھوں ڈکھ تھیا کیوں جو ایہہ گھوڑی اٹھاراں سالاں توں اوندی روزی دا  
 سبب بنی ہوئی ہئی۔ اوندی اکھیں اچ ہنجموں آگئے تے اوں بھوں ڈکھ نال آکھا "جلدی  
 ر پتر توں ای تاں میڈا سارا ایں۔"  
 ہنجموں ویکن دے ہارن دی آواز آئی۔ اشو اپنے ٹانگے کوں جلدی نال کک پاسے



کر گھدا۔ دھوڑاؤ دیندی ہوئی ویکن بہوں تیزی نال اوندے نالوں لکھ گئی تے اوں غصے  
 اچ آکھا "اڑا گھو دھوڑاؤ تہاں تہاں ساڈی تقدیر تے وی دھوڑاڑاؤتی اے۔"

جیس ویلے دی اہمہ ویکناں چلیاں ہن اوندی کماکی ادھی تھی گئی ہئی۔ لوکاں  
 کوں وٹجن تے آون دی جلدی ہوندی اے وٹ ویکناں وچ آرام ڈیون آلے گدے  
 دی بنیاں ہوئیاں سیٹاں وی ہوندیاں ہن۔ اہمہ تہاں ڈو ویکناں دے درمیان آلے  
 وقفے وچ اگر اتفاق نال سواری مل ویندی اے تہاں کچھ پیسے بن ویندے ہن نہیں تہاں  
 کئی ڈنہ سویرے توں ڈوپہر تھی ویندی اے پر ہک سواری وی نہیں ملدی۔

اوں بہوں وار سوچا جو ٹانگہ وچ کے کوئی ڈو جھاکم کرن لگ ونبھاں پر ایں عمر اچ  
 آہنا پرانا کم چھڈ کے نواں کم کرنا ممکن نہ ہا۔

اشو دی نظروت گھوڑی دی کنڈھ تے گئی جتھاں ہن وی خون داہندا پیا ہا۔ او  
 سوچن لگ پیا اچ شام کوں ایں کان دوائی گھنساں۔

اشو ہر ڈنہ اہمہ سوچندا ہا پر شام ویلے جڈاں او پیساں دا حساب کریندا تہاں گھر  
 دے خرچے دے بعد بہوں مشکل نال گھاتے ہک ڈبی اٹھسی سگریٹ دے پیسے  
 پھدے ہن۔ اوندہ چھوہر بالا جیہڑ باراں سالاں مگروں جمیا ہا۔ بہوں کمزور تھیندا ویندا  
 ہا لوک آہدے ہن۔ ایں کوں وڈی بیماری تھی گئی اے۔

پر اشو اہمہ آکھ کے اطمینان کر گھندا جو "اللہ چنگی کرسی اگر اللہ کوں منظور تھیا  
 تہاں اہمہ اینویں ای چنگا تھی وکسی۔" حالانکہ او اہمہ آکھدا ہویا بہوں چنگی ریتیں  
 بھیندا ہا کہ اوں کول دوائی کن پیسے نہیں۔ ایں وجہ توں او اللہ کوں وچ گھن آندا  
 ہا۔ اچانک اشو دے ذہن اچ پندراں سال پہلاں دی میراں دی یاد آگئی جیکوں او  
 بہوں ارمان نال شادی کر کے گھن آیا ہا۔ میراں بہوں حسین ہئی تے او میراں نال  
 بہوں محبت کریندا ہا۔ شام ویلے او جلدی ای گھر آویندا ہا کیوں جو سارے ڈنہ دی  
 حکمن او میراں دی کھلی بانہواں اچ دور کرنا چاہندا ہاتے ہن میراں کیسہ ہئی؟

"ہڈیاں دی مٹھ" غربت تے سخت محنت اوندی جوانی تے اوندے حسن کوں کھا  
 گھدا ہئی۔

میراں دا تصور آندے ای اوندے دل اچ درد تھیا پر اوں ویلے ٹانگے اچ بیٹھے  
 ہوئے بندیاں دی منزل آگئی تے اوندہ ذہن لوکاں آلے پاسے آگیا۔ راتیں جڈاں او گھر

اڑا تاں بالا سم گیا ہاتے میراں اوند ا انتظار کریندی پئی ہئی گھر دے باہر او گھوڑی کوں  
بندھ کے اندر آیا تاں میراں نکر گھن آئی۔

نکر کھاندے ہوئے ولا اوندے اکھیں دسے اگے پندراں سال پہلاں دی میراں  
آگئی جیہڑی ہن اوندے نال منجی تے بہہ کے ہلمی جھلندی پئی ہئی۔

او سوچن لگ پیا۔ ”ایں کوں کیہہ تھی گیا اے۔ کتھے گئی او حسین میراں جیہڑی  
اوں کوں دیوانہ بنا رکھدی ہئی تے او ہر شام مجھدا ہویا گھر آندا تے اوں کوں آپنے  
ساینے سد کے جی بھر کے ڈیہدا رہندا ہا۔“ ہن تاں مینے لنگھ دیندے ہن۔ اوں کوں  
میراں دا خیال وی ناہی آندا تے اکثر سواری دے انتظار وچ اسٹیشن تے ای سم دیندا  
ہا۔ پر اج اوں کوں میراں تے بہوں پیار آندا پیا ہا۔ اوند ا دل آہدا ہا جو اج ایں کوں  
آپنی ہانواں اج گھن کے ایڈا پیار کراں ایڈا پیار کراں جو پچھلے کئی مہینیاں دا سارا  
لاہتا ہکا زات اج لاہ ڈیواں۔

او ولا ولا پیار آلی نظراں نال اوں کوں ڈیہدا دیندا ہا۔ اوندی اکھیں اج پندراں  
سال پہلاں دی میراں دا چہرہ آگیا۔ اوں ویلے اوں کوں ایویں لگا جیویں میراں ولا  
جوان تھی گئی ہووے۔ اوں نکر چھڈ کے میراں کوں آپنی ہانواں اج گھن گھدا۔

وت اوں دھڑکدے دل نال میراں دے چہرے آلے پاسے ڈٹھا۔ جیہڑی اوندے  
سینے تے لگی ہوئی ہئی۔ میراں دی اکھیں اج پرانی چمک واپس آگئی۔

اوں کوں ایویں لگا جیویں وقت پچھانہ لگا گیا ہووے تے بہت نویں کڑی ولا  
اوندی آغوش اج آگئی ہووے۔ اشو دی ساہواں ترکھیاں تھی گئیاں پر اوند ا ایہہ  
خواب بہوں دیر قائم نہ رہیا۔

اچانک اوں آپنی گرفت ڈھلی کر ڈتی۔ اوند ا سارا جسم برف آنگوں ٹھنڈا پے گیا۔  
تے اوندی اکھیں دے ساینے دھوڑاڑن لگ پئی۔ اوں کوں اچانک ایہہ انکشاف تھیا  
جو او وقت توں پہلاں ای بڑھا تھی گیا اے۔

اوں ہک جھٹکے نال میراں کوں پرے دھکا ڈے ڈتا۔ کوٹھڑی وچ اوند ا ساہ کھنچن  
لگ پیا تاں او باہر نکل آیا۔ گھرتوں باہر آیا تاں اوں ڈٹھا جو اوندی گھوڑی دے نال  
اختر گوانڈھی دا گھوڑا کھڑا گھوڑی دی سبھی چسندا پیا ہا۔

اوبھناں دی ایں حرکت کوں ڈیکھ کے اوں کوں غصہ آگیا تے او چھانٹا گھن کے



ہوں تیزی مل اوتھیں آ لے پائے آیا۔

گھوڑا میں اچانک طے کوں ڈکھ کے بھیج پیا۔ پر گھوڑی میں کھنٹے تے بدھی  
کھڑی ہی۔ اشو خے اچ اپنی پوری طاقت مل گھوڑی کوں چھٹا مارن لگ پیا۔  
دت شرپ 'شرپ دی آواز کلی رات دے سنائے وچ کو بھدی پئی ہی۔ اشو  
تے ہک جنون سوار ہا۔ ہر پائے کھو آواز ہا شرپ 'شرپ 'شرپ 'جداں اوندا جنون  
مکاتیں اوں ڈنڈا۔

گھوڑی دے جسم تے خون ای خون ہاتے گھوڑی سوئی پئی ہی۔

---

## خشبہ

ڈوہائیں پاسے کی دے کھیت ہن۔ عابد اپنے پو دے مرن توں بعد پہلی وار دستی  
 اچ آندا پیا ہا۔ اوں کوں ایویں لگا جیویں کوئی کی دے بوٹیاں کوں ہک پاسے کریندا ہویا  
 آندا پیا اے۔ اوں سمجھا کوئی خطرناک جانور ہوسی۔ اوں تلے زمین تے پئی ہوئی سوئی  
 چا گھدی پر اوں ڈٹھا ساہنے ہک بہوں نازک تے حسین چھیر اپنے بھوچھن اچ کمر  
 چھلیاں گھن کے ہک ہتھ نال کی دے بوٹیاں کوں ہیندی ہوئی آندی پئی ہئی۔

آندے آندے اوندے سر توں بھوچھن ہٹ گیا۔ اوندے وال تیز ہوا نال  
 پریشان تھیون لگ پئے اوں شردج بہوں چھیریاں تے زنانیاں ڈٹھیاں ہن پر جو گالہ  
 دستی دی ایں چھیر اچ ہئی او کئی اچ وی نہ ہا اوں کوں ایویں لگا جیویں ادھی رات دا  
 سورج ڈیکھ گھدا ہو دس۔ او اوندے حسن اچ کھو گیا۔ دستی دی چھیر پرانے بندے  
 کوں اپنے پاسے ایویں گھوردا ڈیکھ کے شرمائی۔ تے جلدی نال اپنے سراتے  
 بھوچھن گھن کے تلے ڈ۔ گھن لگ پئی۔ وت اوندے کول آکے اوں آکھا۔ ”میکوں راہ  
 ڈے چا۔“

عابد ہک دم ہک پاسے تھیون لگا تاں اوندا پیر پٹ گیا تے او زمین تے ڈھیر پیا۔  
 چھیر اوں کوں ڈھاندا ہویا ڈیکھ کے کھن لگ پئی تے اوندے بھوچھن اچوں ساریاں  
 چھلیاں تلے ڈھیر ہنیاں۔

”تیکوں برسات وچ پیر آرام نال رکھنا چاہیدا ہئی“ ”ہا بھل گیا ہم“  
 ”تیکوں سٹ تاں نہیں لگی؟“ ”کچھ زیادہ نہیں“ وت چھیر تلے ڈٹھی ہوئی  
 چھلیاں چا کے ٹر گئی تے او ڈیہدا رہ گیا۔

سورج بڑ گیا ہا تے ہن اسان تے جن آگیا ہا۔ عابد ٹردا ٹردا توں دے بوٹیاں  
 آلے پاسے آگیا۔ ہک توت دے تلے اوہا چھیر کیس خیال اچ کھوئی بیٹھی ہئی۔ عابد اوندا  
 حسن اپنی اکھیں وچ لہاون لگ پیا۔

بوٹے دے پتراں توں بارش دے ڈٹھے ہوئے قطرے اوندے والاں تے موتی



آنگوں لگدے پئے ہن۔ اوندے قدم دی آواز سن کے۔ چھیر پچھانہ ڈیکھ کے آکھا۔  
 توں ہن تائیں ا۔ تھائیں ایں ا۔ اتھے تیڈا دل لگ گیا اے؟“ ”ہا موسم بہوں سوہنا  
 اے نہ۔“ ”دستی تیکوں چنگی لگی اے؟“ ”اسہ وی کوئی مچھن دی گالہ اے۔ شر آلی  
 گندیاں گلیاں توں تے زہر آلے دھواں توں اسہ پاک تے تازہ ہوا بہوں چنگی اے  
 وت شر دے لوکاں وچ دستی دے لوکاں آنگوں جی محبت نہیں ملدی۔“

”تیڈا ناں کیسہ اے؟“ ”میڈا ناں چاننی اے۔“ ”ا۔ تھیں توں مکی ٹیٹھی ایں  
 تیکوں ڈر نہیں لگدا؟“ ”ڈر کیس گالہ دا؟“ ”کوئی دست درازی کرے وت توں کیہ  
 کر۔ سیس؟“ ”میڈے کول ہے وی کیسہ شے۔“ ”اوں بہوں سادگی ناں جواب ڈتا۔  
 ”تیکوں ہک گالہ پچھ گھٹا؟“ ”ہا پچھ گھن۔“ ”توں کیس ناں کدی محبت کیتی اے؟“ ”  
 ہا محبت کیس کوں نہیں ہوندی۔ میں بھال، گاواں ڈانداں تے کھیتاں ناں محبت کریندی  
 ہاں میں تاں ہر پاسے محبت ای محبت ڈیہدی ہاں۔“ ”توں ساریاں ناں محبت کریندی  
 ایں؟“ ”ہا ساراں ناں۔“ ”میڈے ناں وی؟“ ”ہا تیڈے ناں وی توں وی تاں بندہ  
 ایں۔“ ”بندہ؟“ ”ہا ڈیکھ نہ اگر کائنات وچ محبت نہ ہوندی تاں ماں بال کوں ڈوہ  
 کیوں پلانندی۔ بندہ بندے اتے جان کیوں ڈیندا تے کئی کئی چڑیاں دانے چک کے  
 آپنے بالاں کوں کیوں ڈیندیاں۔“ ”او اوندی گالہ سن کے چپ رہیا۔ وت او ڈوہائیں  
 آپنے آپنے گھر آلے پاسے ٹر پئے۔“

اج اوندی دل بہوں بے چین تے اداس ہا۔ اوں وڈے ویلے ای ہک بھیڑی خبر  
 سنی جیہڑی اوندے دل وچ طوفان چینی پئی تھی۔ اوں کوں پتہ لگا ہا جو چاننی دی شادی  
 تھیون آلی اے۔ ناں ای او سوچیندا پیا ہا کہ جیہڑی اک وچ او سڑدا پیا اے اوں وچ  
 او کیوں نہیں سڑدی آہ او کتنی بے رحم اے۔ او بہوں اداسی ناں توں آلے پاسے ٹر  
 پیا۔ چاننی اوں کوں کھیتاں آلے پاسے مل گئی۔ ”میں ہک بھیڑی خبر سنی اے۔“  
 چاننی اوندی گالہ سمجھ گئی جیندی وجہ توں اوندے رخسار رتے تھی گئے ”ہک  
 گالہ پچھاں؟“ ”ہا پچھ گھن۔“ ”تیڈے دل وچ میں کان کوئی چاہ نہیں؟“ ”توں میکوں  
 کیہڑی نظر ناں ڈیہدا ایں؟“ ”محبت دی نظر ناں۔ میڈا دل آہدا اے جو توں ہر جھٹ  
 میڈے سامنے رہویں۔“ ”کیوں؟“ ”میں اسہ نہیں جاندا۔“ ”تیڈی خواہش وچ  
 ہوس تاں شامل نہیں؟“

”میں تیڈی گالہ دا مطلب نہیں سمجھا۔“ ”میں آکھنا چاہندی ہاں جیکوں توں  
 محبت دا ناں پیا ڈیندا ایں او محبت نہیں ہوس اے۔“ ”ہوس؟“  
 ہا جڈاں محبت توں مطلب وابستہ تھی ویندا اے تاں او تاریکی بن کے ہوس دا  
 روپ گھن گھندا اے۔

”میں ہک مشرقی تربیت ہاں۔ میڈا جنا میڈے کان سمجھ کجھ اے۔ ایں صورت  
 وچ تیڈا خیال وی کرنا چنگا نہیں۔“ ”پر حالیں تاں تیڈی شادی نہیں تھی۔“ ”ایہہ  
 گالہ نہیں شادی کل تھی سکدی اے وت شادی تے محبت اچ فرق اے“  
 ”کیوں؟“ ”شادی ہک فریضہ اے تے محبت ہک آزاد جذبہ۔“ ”اساں شادی  
 کر کے پاک تے بے غرض محبت تے خوشی حاصل کر سکدے ہاں“ ”کیوں؟ کیا بھین  
 بھرا ناں محبت نہیں کریندی۔ کیا اساں پکھیاں تے جانوراں ناں محبت کر کے خوشی  
 محسوس نہیں کریندے کیا ایہہ محبت نہیں؟“ ”پر میں تیڈے ناں بہوں محبت کریندا  
 ہاں۔ میں چاہندا ہاں جو تیڈی محبت بس میڈے کان ہووے تے اوندا بھائیوال کوئی نہ  
 ہووے۔“

”توں میڈی محبت محدود کرنا چاہندا ایں پر میں ایہو جیسی محبت نہیں کرنا چاہندی  
 میں تینوں محبت کر کے آپنی محبت کوں محدود نہیں کرنا چاہندی۔  
 میں تار ریت دے ناں، کھیتاں، پکھیاں، جانوراں، انساناں، پہاڑاں، چن،  
 سورج، آسمان، زمین تے کائنات دی ہر شے ناں محبت کریندی ہاں۔ نور توں ہوس کوں  
 محبت سمجھیندا ایں۔ ایسا وجہ اے جو توں ایہہ سوال کیتا اے۔ محبت جسام دے  
 ملاپ دا ناں نہیں سکوں محبت پاک جذبہ اے۔ محبوب ناں شادی نہ تھیوے تاں وی  
 محبت نہیں مکدی بلکہ ہمیشہ کیتے محبت کرن آلاں دے ساہواں وچ خشبو بن کے رہندی  
 اے۔“

جے جیکوں میڈے ناں حقیقی تے سچی محبت اے تاں توں میڈے آنگوں کائنات  
 دی ہر شے ناں محبت کرن لگ وچ بھادیں او شے خوبصورت نہ ہووے، بھادیں او شے  
 اکھیں کوں چنگی نہ لگے۔“ چاننی ایہہ گالہ آکھ کے ٹر گئی۔ ہن اوندی محبت وی  
 خوبصورت شیاں تائیں محدود نہ ہئی بلکہ او کائنات دی ہر شے ناں محبت کرن لگ پیا۔



## پھلاں دا بھار

او ڈوہائیں ہک ڈوجھے دا ہتھ نپ کے دیندے پئے ہن کنڈیاں آلیاں جھاڑیاں  
توں بچ کے۔ نکے وڈے پتھراں توں چھاللاں مرندے ہوئے۔ اچانک تریٹ ہک جاہ  
تے رک پئی تے بولی۔

”میکوں پھل بہوں چنگے گلدے ہن۔ سوہنی سوہنی خشبو تے گلہابی رنگ دے  
پھل“ بندے اوندی وڈی وڈی شرمیلی اکھیں اچ ڈٹھاتے ہک حسین تمنا دا جنم تہندا  
ڈیکھ کے مسکرایا وت پیار نال اوندے کنناں اچ جھولدی والی کون ہتھ لاندے ہوئے  
آکھا۔ میں ایہو تھہ کئی پھلاں نال تیڈا دامن بھر ڈیاں۔ پر حالیں نہیں اوں پہاڑی  
تے ونج کے۔ اوں دور بلندی آلے پاسے انگل چا کے آکھا۔

کئی لحاں تائیں او آپ وی اوں پہاڑی آلے پاسے ڈیہدا رہیا۔ جتھاں اچے اچے  
درختاں دے نال چٹے بدل کنن مٹی کھینڈ دے دے ہن جھرتاں دا خوبصورت سنگیت  
پر سکون فضاواں وچ ایویں گو نبھدا پیا ہا جیویں کئی بے فکر چرواہے الفوزے دی جوڑی  
ہوٹھاں نال لا رکھی ہووے تے زندگی دی ساریاں رعنائیاں گیت دی صورت اچ  
ڈھلکیاں میناں ہن۔ ہر پاسے رنگ ای رنگ تے رقص ای رقص ہا۔

او ڈوہائیں ایہناں رنگاں کوں آپنے خواہاں اچ بھرنا چاہندے ہن۔ ایہناں دی  
زندگی دا مقصد ایسا بن گیا ہا۔

بندے وت آکھا ”چاڑھی بہوں مشکل اے۔ ساڈی توجہ اگر کئی ڈوجھے پاسے  
تھی۔ تاں منزل تائیں اپڑنا مشکل تھی وکی۔“

تریٹ خاموش ہئی پر او آہنی خاموشی کوں بہوں دیر نہ دبا سکی۔ ٹوڈے ٹوڈے  
وت بول پئی۔ ”میکوں ہک پھل گھن ڈے نہ“۔ ولا ولا انکار توں تریٹ دل دے  
شیشہ ترٹ نہ ونجے۔ ایس خیال توں بندے اوندی خواہش دا احترام کیتا۔ ہک  
خوبصورت پھل گھن کے تریٹ دی خوشی دا ٹھکانہ نہ رہیا۔ او کھلاں آر اوں کوں  
بھدی تے اکھیں نال لاندی۔

پھل دی خشبو بندے دی ساہواں اچ تسمی تاں پھل اوندا دی محبوب بن گیا۔  
 ہن تائیں اوں ایہو جی سرور ڈیون آلی خشبو توں آشنا کو نائی۔  
 اوں کوں تازہ رکھن کان تھوڑی تھوڑی دیر توں بعد او کنڈ نال لڑکے ہوئے  
 فلاسک دا ڈمکن کھلیندا تے پھل تے پانی دے چھٹے شیندا دیندا۔ اسمہ ہور گالہ ہئی جو  
 ایویں کرن نال ایہناں دا بہوں وقت ضائع تھیندا پیا ہا۔  
 کج دور چلن توں بعد تربیت ہک ہور پھل دی فرمائش کر ڈتی۔

"ہک ہو۔۔۔۔۔"

"ہک ہو۔۔۔۔۔"

"وت ہک ہو۔۔۔۔۔"

ہر موڑ تے ہک نویں پھل دی خواہش تربیت دا معمول بن گیا۔ بندے دے  
 ممکن دے باوجود وی او پھلاں کوں جمع کریندی رہی۔ ہن دوپہر دی تیز دھب اچ  
 ایہناں دی حفاظت ہک مسئلہ بن گئی۔

ولا' ولا فلاسک دا پانی مک دیندا ہا۔ بندے کوں کئی چشمے دی تلاش اچ دور و نجانا  
 پوندا ہا۔ اوندے پیر تھک دیندے ہن۔

ٹرن دی وت طاقت نائی رہندے۔ آخر ہک بھاری چٹان دے کول آکے اوندی  
 ہمت بڑھی تھی گئی۔ اوں کاہلیاں پے کے ا۔ تھائیں ڈیرہ لا چھڈا۔

ہک جوان جوڑا ایہناں دے نالوں گزر دا ہویا اچانک رک کے ایہناں کوں ایہو  
 جیس نظراں نال ڈ۔ کھن لگا جیویں اسمہ پاگل ہوون۔ وت ایہناں دی حالت تے  
 وری کڈھا ہویا ترکے ترکے قدام نال چٹان تے چڑھ گیا۔

تربیت شرمندا تھی کے سر کوں تلے کر گھدا۔ بندے ہک آہ بھری تے آپتے تھکے  
 ہوئے پیراں کوں کھیندے ہوئے بلندی آلے پاسے وڈی حسرت نال ڈ۔ کھن لگا۔  
 پہاڑاں تے بہاراں دیاں پائلاں دی جھنکاراں ہن تے زندگی دی ساری رعنائیاں گیتاں  
 دے روپ اچ ڈھلایاں ہنیاں ہن۔

-----



## گنڈھڑی

جماز جڈاں زمین تے لتھا تاں اوندے وجود کوں اطمینان تھیا جو ہن کجھ لمحاں بعد  
اجنبیت دا سارا بھار جیسرہ او پنج سالاں توں آپنے مونڈھاں تے چاکی ودھا لاء ڈیساں۔  
پنج سال پہلاں اوں آپنی شناخت پٹا چھڑی ہئی۔ او ایہناں سالاں وچ پیے  
بٹاون آلی مشین بن گیا ہا۔ اجبی چرے، اجبی زبان، اجبی ماحول، اجبی فضا، صحرا وچ  
ابھروا ہویا خوبصورت شر، اچیاں اچیاں عمارتاں، وڈیاں وڈیاں سڑکاں تے ایہناں اتے  
چلایاں ہوئیاں لسیاں لسیاں کاراں۔ سبھ کجھ شاندار ہئی پر اوندہ آپنا کوئی وی نہ ہا۔  
آپنے وطن دے ساتھیاں نال او وی ہک کمرے وچ رہون لگ پیا۔ او سارے  
مشین دے پرزاں آنگوں وقت اتے آفس یا کمپنی لگے ویندے تے اونویں ای مشینی  
انداز وچ واپس آویندے ہن۔ فرصت دے اوقات وچ او اپنے اپنے شردیاں یاداں  
دے آتش دان وچ اپنے آپ کوں ساڈے رہندے وت کجھ ڈنہ بعد آتش دان  
دی سواہ دی ٹھنڈی تھی گئی۔ زندگی ہک طویل اکتاہٹ آلا صحرا بن گئی تے اوندے  
مونڈھاں تے اجنبیت دا بھار لڈ گیا۔

جماز لینڈ تھی گیا ہا۔ اپنا سارا سان کسٹم تے چیک کریندے ہوئے اوندے ذہن  
وچ ہک عجیب جیسی خواہش جاگ پئی۔ کاش ڈونجھے سان آنگن کسٹم آفسر اوندے جسم  
تے لڈے ہوئے اجنبیت دے بھار کوں وی چیک کر کھنیں تے اجبی ملک اچوں  
اتھاں گمن آون دے جرم اچ ایس بھار کوں ضبط کر کھنیں۔ کسٹم توں قاصر تھی  
کے باہر نکلا تاں اوں سارے اوندے مختصر ہن۔ اوندے تصور آلے پکراں توں الگ  
اوندی گھر آلی سلٹی قیامت دی حسین نظر آندی پئی ہئی۔ کتھاں او سکے ہوئے ہوٹھاں  
تے پیلے رنگ دی کمزور جیسی سلٹی تے کتھاں بھار دے جھوٹے آنگوں ساوی رنگ دی  
ساڑی پاتی ہوئی سلٹی جیندی اکھیں تے دھوپ دا چشمہ۔

نال ای جوانی تے بچپن دے درمیان شوخی دے نال جمولدی ہوئی چھیر کھڑی  
ہئی۔ یقیناً ایہہ اوندی بشری ہئی پر ایہہ چھیر اوندی دھی بشری کیوں ہو سکدی اے۔

اوندی دمی تاں جڈاں او باہروں آوے ہا تاں بھج کے اوندے گل وچ جھول دیندی  
ہئی پر اوں آکھا - "ہیلو ڈیڈی" - "ہیلو پتر" - "منظر دی وڈا تھی گیا ہا تے اوں کوں  
اجنبی نظراں نال ڈیڈا بیا ہا۔

عامر اوندے بچپن دے یار امتیاز احمد دی کھڑ وچ بیٹھا اوندی موجودگی توں بے  
نیاز اڑ پورٹ دے لاونج دا جائزہ گھنڈا ودا ہا۔ اوں منظر کوں پیار کرنا چاہا تاں او سلٹی  
دے پچھوں لک گیا۔ اوں امتیاز احمد نال ہتھ ملا کے عامر کوں گھن گھدا۔ عامر ایویں  
رون لگ پیا جیویں کئی اجنبی کوں آگیا ہودے۔ اوں ویلے امتیاز احمد رکھلے ہوئے  
آکھا۔

"میڈے یار تم توں زیادہ امہ میڈے نال مانوس ہن۔ تینڈے پچھے میں  
بھرجائی تے بالاں کوں پور نہیں ہون ڈتا۔" بشری 'منظر' عامر کوئی وی اوندے سینے نال  
نہیں لگا جیندی وجہ توں اوندے مونڈھاں تے لڈا ہویا بھار ہور ودھ گیا۔

اوں سوچا۔ خیر اے 'ایں بھار کوں گھرونج کے بھکا ڈیاں۔ ٹیکسی جیس فلیٹ دے  
سناہنے رکی او بہوں شان دار ہئی۔ گیٹ تے لگی ہوئی نیم پلیٹ تے کئی۔ ایس۔ کے۔  
ملک دا تاں لکھا ہویا ہا۔ او اجنبی آنگوں گھروچ وڑ گیا۔ سلٹی اوں کوں ہاتھ روم دا راہ  
ڈس ڈتا۔ ہاتھ روم بہوں خوبصورت ہئی پر اوندی خوبصورتی توں بے نیاز او ٹھڈے  
پانی دے شاور تے امہ گالہ سوچیندا رہیا۔ جو امہ ایس۔ کے۔ ملک کون اے؟ ہاتھ  
روم توں نکل کے اوں سلٹی توں پچھا۔ "امہ ایس۔ کے۔ ملک کون اے؟" سلٹی امہ  
گالہ سن کے اتنے زور نال قہقہہ لایا جو اوندی اکھیں دے کنارے سنے تھی گئے تے  
اونڈیاں گھماں رتیاں تھی گئیاں اوں کوں اوں ویلے سلٹی بہوں حسین لگی۔ سلٹی  
اوں کوں ڈسایا جو "ایس کے ملک تاں توں آپ ایں۔" شوکت کمال ملک "وت اوں  
کوں یاد آیا جو سلٹی بیسہ فلیٹ گھدا ہا او ایہا اے۔"

کچھ دیر بعد سلٹی دیاں کچھ بیٹانیاں آگئیاں۔ کوئی چہرہ اوندہ جان سنبھان آلا نہ ہا۔  
مجیب کلف۔ آلی نضا ہئی او بے چینی نال ایہناں دے کول بیٹھا رہیا۔ اوں کوں بہوں  
بورست تھی پر سلٹی ساریاں نال کھل کھل کالھیں کریندی رہی۔ اوں کوں ایویں لگا  
جیویں او سلٹی نہیں کوئی ڈوجھی تربیت اے نمائشی تے پُر کلف۔

رات دے یاراں وچ ایہناں کوں تنہائی نصیب تھی۔ اوں سلٹی کوں ڈسایا جو



او کتنی خوبصورت تھی مگنی اے۔ اوں ڈسایا جو کیویں چٹھیاں پڑھ پڑھ راتاں نکھیندا رہیا اے۔

اوں کوں یقین ہا جو سلی دی فراق دیاں کہانیاں سنا سی پر سلی بس مسکراندی رہی۔ بھاری رات او آہنی بے چینیوں تے بے قراریاں دیاں کہانیاں سلی کوں سنا چاہندا ہا پر سلی اونڈیاں گالھیں سن کے اہاسیاں نکھندی رہی۔

او ساریاں داستاناں آپنے مونڈھاں تے رکھی ہوئی گنڈھڑی وچ رکھ ڈتیاں تے آہنا بھار کم کرن کیتے اوں کوں آپنے کول کر گھدا۔ اوں کوں یقین ہا جو ہنے اونڈے جسم اتے جی ہوئی ورف کھل وئی۔ او سلی وچ ادھا بھہ کجھ گولن لگ پیا بھیرہ او اتھاں چھڈ گیا ہا۔ اوں پورے پنج سالوں دا حساب گھستا ہا پر جلدی ای اوں کوں ایویں محسوس تھیا جو سلی نا مکمل تھی گئی اے۔ ایویں لگا جیویں ہن او ہم آہنگ نہ تھی سگن۔

اوں بہوں کوشش کیتی پر اونڈے ذہن وچ ادھا احساس جاگ ویندا بھیرہ فریق وچ رکھے ہوئے ڈبے دے گوشت کوں گرم کریندے ہوئے جاگ ویندا ہا۔ تازگی نہ ہون واک تک تھکی بھرا احساس۔ کئی ڈنہ تائیں ایویں تھیندا رہیا تے اسہ راز کھلدا گیا جو سلی او سلی نہیں رہی۔

ہن سلی جاندی ہئی جو کیہڑا لباس کہیں ویلے پایا ویندا اے۔ سلی بہوں پر تکلف گالھیں کرن لگ پئی ہئی۔ اسہ سلی اوں سلی نہ ہئی۔ شوکیں وچ بچے ہوئے کھڈاؤنے آنگوں۔ زندگی توں عاری تے بے جان تھی گئی ہئی۔

اجنبیت دا بھار ودھدا ویندا ہا۔ کتھاں بھکاوے او اس بھار کوں؟ اسہ سوچیندا ہویا او آہنی دھی بشری کوں گویندا ہویا اونڈے کرنے آلے پاسے ٹر پیا بشری ہک وار دی اونڈے کول باہ کے گالھیں نہیں کیتیاں۔ ٹھیک اے جو او وڈی تھی گئی اے پر اوں کوں کالج دے قصے تاں سنا سکدی ہے۔ بس ناشتے دی میز اتے ہیلو ہیلو تھیندی اے جیویں او کوئی مہمان ہووے۔

اونڈے کمرے وچ وچن توں پہلاں ای بشری ہتھ وچ کتاباں گھن کے آپنے کمرے اچوں تیزی تاں نکل۔ پتہ نہیں اسہ کون چھیراے۔ اونڈی بشری تاں نہیں ہو سکدی۔



اوں سلمیٰ توں پچھا۔ ”اسہ بشری بھوچمن کیوں نہیں گھندی کیا اسہ روز ایندیں  
کالج ویندی اے؟“

”اج کل چھیریاں بھوچمن کتھاں گھنڈیاں ہن۔“ سلمیٰ اوں کوں جواب ڈتا۔  
او سبھ آپنی آپنی دنیا وچ مست ہن۔ اس دنیا وچ اوندی کوئی جہاں کوئی نہ کوئی  
بشری ہوں خود سر چھیر ہئی۔ سارا ڈ۔ نہ کالج رہندی، شام ویلے کوئی نہ کوئی  
پروگرام ہوندا پکچر، پلک، پارٹیاں۔ چھٹی آلی ڈ۔ نہ اوند اکہرہ اوندی دوست چھیریاں  
نال بھرا ہویا ہوندا۔ پوپ میوزک وجداتے اوندے نال ڈانس وی تھیندا ہئی۔ اسہ  
کیٹری دنیا اے؟

اوند دل چاہندا ہا جو اس جوان بے پروا موڈزن چھیر توں آپنی معصوم بشری کوں  
منگ گھنیں جیہڑی ہن بشری نہیں ری کوئی ڈو جھی چھیر لگدی ہئی۔  
وڈے ویلے وت بشری دے کمرے آلی پائے جڈاں او گیا تاں بشری کہیں کوں  
فون کریندی پئی ہئی۔ ”ظفر توں گھر نہ آویں اسان اتھائیں کیفے ٹیرا وچ مل گھنوں۔  
ہا کالج دے نال ای۔ او نو ڈیڑے۔ توں بھیندا کیوں نہیں اج کل ڈیڈی آئے ہوئے  
ہن۔ او نو ڈیڈی پرانے ذہن دے بندے ہن۔ بور اولڈ مین، او می آنگوں نہیں۔  
کچھ ڈ۔ نہ دی تاں گالہ اے۔ وت او واپس لگے و سن۔“

اسہ بشری ہئی اوندی لاڈلی دھی جو اوندے دفتر اچوں آون دے انتظار وچ بوہے  
تے بیٹھی رہندی ہئی تے او ہن بور تھی گیا ہا۔ ”اولڈ مین۔“ اوں سلمیٰ توں پچھا ”کیا  
بشری دے دوست چھوڑ دی ہن؟“ ”ہا اوندے اکے کچھے کئی ودے پھروے ہن۔ مگر  
میڈی دھی کے کون وی لفٹ نہیں ڈیڈی۔“ او سوچیندا پیا ہا جو ایناں پنج سالوں وچ  
اینال کوں کیہ تھی گیا اے؟

اوندی پتہ نہیں کتھاں کتھاں دعوتیں تھیندیاں ہیاں ہن ہر دعوت دے کچھ  
ہکا گالہ ہئی۔ او اونٹاں دے کہیں بھرا، کہیں پترتے کہیں رشتے دار کوں او تھاں سڈا  
گھنیں۔ او سارے اوں کوں ایویں ملدے جیویں او کوئی ڈو جھی مخلوق ہونے۔

اجنبیت دے صحرا وچ او ہوں پھنس گیا ہا۔ شاید اوندی پہچان، اوند پشنا ہویا  
وجود اوندے پرانے گھر، پرانے محلے وچ ہون۔ او اپنا وجود تے آپنی شناخت گولن  
پرانے شہر دی کچی دستی وچ گیا۔ پرانے یار اوں کوں ایویں ملے جیویں او ویلے دا



بادشاہ ہووے تے آپنی رعایا دا حال معلوم کرن کان ولس وٹا کے آیا ہووے۔ او اجنبیت آلے بھار دی گنڈھڑی اتھاں وی نہ لہا سکے۔ ہر ویلے ہر کیس نال او خوش اخلاقی دی اداکاری کرن توں تنگ آگیا۔

او اجنبیت آلا بھار نہ ڈیونا چاہندا ہا پر اوں کوں اینویں لگا جیویں او امہ بھار کتھائیں وی نہ لہا سکسی او پرانی داستاناں دے کردار آنگوں کہیں جادوگر دے سحر دا فکار تھی گیا ہا۔ وت تک ڈنہ اوں تے امہ راز کھلا جو سلی دی شخصیت دی پھن آلی کڑی اوندے بچپن دے یار امتیاز احمد دے کول اے۔ سلی اپنے سارے خواہاں وچ رنگ بھر گھدے ہن مگر ایناں خواہاں وچ اوندی جھاہ کو نائی۔

امہ ہور گالہ ہئی جو ایناں سارے خواہاں دے رنگ اوں ڈتے ہن۔ ڈنہ رات چلے ہوئے صحرا وچ مشقت کر کے پر سلی تک ماہر آرٹس آنگوں تصویر بنا کے ایناں رنگاں کوں بھکا ڈتا ہا۔ سلی بالاں کوں وی آپنی خوبصورت دنیا وچ کم کیتا ہویا ہا۔ ایناں کوں امہ سوچن دی فرصت ای نہ ہئی۔ جو امہ رنگ کتھوں آئے ہن۔ سلی اوندے بغیر ای زندگی دی امہ کمائی مکمل کر گھدی ہئی۔ اس کمائی وچ اوندی کوئی کردار نہ ہئی۔ اس وجہ توں اوندی شمولیت اس کمائی کوں بھارا کر ڈتا ہئی۔ اوں کوں آئے ہوئے تک مینہ تھی گیا ہا۔ بھار اوں کول چاؤنا ناممکن تھی گیا۔

آپنے اس بھار کوں بھکاؤن کان اوں آخری کوشش کیتی۔ اوں سلی کوں آکھا ”میں بے ہفتے واپس لگا ویساں تے اج ٹکٹ کنفرم کریندا پیا ہاں“ ”او اتنی جلدی؟“ سلی دی گالہ سن کے اوں دھڑکدے دل نال سوچا جو کاش سلی اوں کوں نہ وچن ڈیوے بھاویں دلوں نہ آکھے۔

”لےس مینے بونس ملدا اے نہ ویساں تاں چالھی ہزار دا نقصان تھی ویسی۔“ امہ آکھ کے اوں سوچا جو سلی آکھی میکوں چالھی ہزار دی پرواہ نہیں۔ اتنے سالاں وچ تاں توں آیا ایں۔ وت اتنی جلدی کیوں وچ گدا ایں۔ پیسہ ای سبھ کج نہیں ہوندا۔ حالیں تاں بالاں دا دل وی نہیں بھرا۔ اوں اپنے مونڈھاں دا بھار ہتھ وچ چا گدا جو ہنے سلی امہ گالہ آکھی تے او اپنے بھار کو بھکا ڈیسی۔

”چالھی ہزار۔ او مالی گاڈ وت تاں تما کوں جلدی وچنا چاہیدا اے۔“ سلی سینے اتے ہتھ رکھ کے آکھا۔ وت اوندی امیدیں دا بھار وی اوندے مونڈھاں تے آگیا۔



ایڑ پورٹ تے سلٹی، بشری، منظر، عامر تے امتیاز احمد سارے ای آئے ہن۔ کہیں  
دے چرے تے وی اداسی کوٹائی۔ او اپنے وجود اتے پہلاں توں وی زیادہ بھار گھن  
کے کشم تے اڑا۔ کشم چیمگ توں بعد وی او امد امید گھن کے اوتھاں کھڑا رہیا جو  
شاید کشم آفسر ای اوئدا بھار کجھ کم کر ڈیوے۔ اوکوں اوتھاں کھڑا ڈیکھ کے آفسر حیرت  
نال آکھا ”تساں ونج سکدے ہو۔ تماڑے کول کوئی برف کیس کائی نہیں۔ کوئی بھار  
کائی نہیں۔ ہوں ہلکے پھلکے ویدے پئے ہو؟“

اوں آفسر کوں خالی خالی نظراں نال گھورا تے جھکے ہوئے پیراں نال دن دے  
آلے پاسے ٹرپا۔ موئداں تے اوہا اجنبیت دے بھار آلی گنڈھڑی گھن کے۔



## سوی

گھر وڑدے ای عبدالرشید پہلے تاں ہک لمبا ساہ گھدا۔ وت آپنا کوٹ کھونڈی اتے تنگ کے نال پئی ہوئی منجی اتے ایویں ڈھیر پیا جیویں میلاں دا سفر پیدل کر کے آیا ہودے کچھ سوچاں ہن جو اونڈے اندر ہن تائیں سلگیاں دویاں ہن تے اوندا سارا کرب اونڈے مونہ اتے دکھالی دیندا ہئی۔ واجدہ کون ڈیکھ کے اونڈے مونہ اتے ہور سختی آگئی۔ ہک لمحے کون ایویں لگا جیویں واجدہ دے ہونٹھ ملن دی دیر اے تے او واجدہ تے دس پوسی بھلا ایویں نہیں تھیا۔ کچھ ڈھنڈھ توں واجدہ دا اسمہ ممول بن گیا ہئی جو جیس ویلے عبدالرشید دفتر توں گھر آندا تاں واجدہ اول توں کہو سوال کریندی جو اوں آپنی نوکری دی مدت دے وادے کیتے کچھ کیتا یا نہیں۔

جواب وچ اول آلے پاسے انکارے کڈھدی ہوئی ڈو اکھیں اٹھیاں ہن وت بگدی ہوئی آواز وچ کچھ تیزابی جملے اونڈے کناں نال نکراندے ہن جو آخر وچ اونڈی زبان تے تالا پاؤیندے ہن۔ منجی دے نال رکھے ہوئے ہک اسٹول اتے واجدہ پانی دا گلاس تے چاہ دا کپ رکھ گئی۔

عبدالرشید حیرت وچ پے گیا جو اج واجدہ آپنا گھسا ہویا سوال نہیں کیتا۔ اسمہ چپ کر کے کیوں چلی گئی۔ وت اوں سوچا شاید واجدہ دی قوت برداشت جواب ڈے گئی اے یا وت اوں دی تھک ہار کے حالات دے اگے ہتھیار سٹ ڈتے ہن۔

اونویں ایس سوال دا جواب اونڈے دس وچ وی کوٹاں۔ اونڈے رنار ہون وچ صرف ہک مہینہ باقی ہئی۔ نوکری دے وادے کیتے صرف ہک صورت ہئی۔ رشوت۔ جیس دے او ہمیشہ مخالف رہیا ہئی۔

جیس ٹھیل اتے عبدالرشید کم کریندا ہئی۔ اوتھے اوں توں پہلے کم کرن آلاں لکھاں کمائے ہن۔ ایویں تاں ترکیب بھوں آسان ہئی۔ آپ دی کھاؤ، افسراں کون دی کھاؤ تے نال رعب نال نوکری کو تے بعد وچ آپنی نوکری وچ وادھا دی کردائی ونجوں۔ اوں توں پہلے ایس ٹھیل اتے اختر کم کریندا ہئی۔ وڈے توں گھن کے چھوٹے

افسر تائیں سارے اوں کوں چنگا جائدے ہن۔ ایسے وجہ توں اوندی نوکری وچ ڈو وار  
وادھا تھا ہئی۔ ایسہ ہور گالہ اے جو تر بھی وار اتلے پاسے ایسناں دی وال نہ گلی۔  
تر بھی وار اختر کوں وادھے دی کوئی ضرورت ہی کو نائی کیوں جو اوہک وڈے مکان  
تے ڈو ٹکان دا مالک تھی چکا ہئی تے اوں کوں نقدی ہونا دکھرا ہئی۔ اوندی نوکری وچ  
وادھا ہوندا نہ ہوندا اوندے ٹھاٹھ وچ کوئی فرق نائی آندا۔

ایندے برعکس عبدالرشید دے ساہنے پہاڑ جیس کئی سوال ہن۔ رٹائر ہون توں  
بعد اوکتنے رہن؟ ایسناں کوں تاں سر لکاون کان جہاہ کو نائی وت اوندی چار پھیریاں  
ہن تائیں کنواریاں ہن چھوڑ آلے اوندی حیثیت کوں بنیاد بنا کے اوں کوں بھوں  
جیز منگدے پئے ہن۔

رٹائر ہون توں بعد معمولی پنشن ٹال تاں گھر وچ ہک وقت دی روٹی چلنا ممکن  
نائی۔ اج ہمت کر کے عبدالرشید آپنی نوکری دے وادھے کیتے درخواست تاں ڈے  
چھڈی ہئی پر کامیابی دی امید کو نائی کیوں جو اوہ چنگی طرح جائدا ہئی اوندے افسراں  
کوں خوش نہیں۔ جمال صاحب تاں اوندے رٹائر ہون دے انتظار وچ ہک ہک  
ڈنہ گندے ددے ہن۔ ایسناں دا رد عمل وی ٹھیک ہئی۔ اوندی پوسٹنگ دے ہفتے  
دے اندر ای جمال صاحب اوں توں ناراض تھی گئے ہن پہلے ڈنہ جمال صاحب  
اوں کوں سمجھاندے ہوئے آکھیا۔ ”جیس جہاہ تے تینڈی پوسٹنگ تھی اے ایسہ جہاہ  
تاں کجھ خوش نصیب لوکاں دے ہتھ لگدی اے مثال مشہور اے تاں جو جتنا گڑا  
مٹھاتے توں وی گڑشی وچ تے نوکری اتنی مٹھی تھیندی ونی۔“  
مگر اوں ہک کن ٹال سنیا تے ڈو جھے وچوں کڈھ ڈتا۔

گالہ اشارے وچ سمجھ نہ آئی تاں ہک ڈنہ جمال صاحب اوں کوں صاف آکھ  
ڈتا۔

”ایس فیمل دا دستور ادھا رہی جیسہ اختر تے اوں توں پہلے لوکاں دا ہئی۔“  
”جمال صاحب کن کھول کے سن گھو۔ میں ایساں لوکاں وچوں نہ جیسرے آپنی  
لاشاں اچوں نکلی ہوئی بہات توں بچن کیتے اپنے تک اتے رومال رکھ کے چلے  
ہن۔ او لوک رشوت خور تے سڑی ہن جو ایس ملک کوں کھوکھلا کریندے پئے ہن۔ کیا  
تساں ایسہ چاہندے ہو جو میں وی ایسناں آنگوں سونے چاندی دے بھانڈاں وچ پپ



رکھ کے پھیندا رہوں؟۔“

عبدالرشید دے مومنوں امہ گالہ سن کے جمال صاحب ہوراں ہک زور دار قہقہہ لایا۔ وت ایہناں معاملے دی نزاکت کوں سمجھ کے عبدالرشید کوں سمجھاؤن کیتے ہک ہور کوشش کیتی تے آکھیا۔

”عبدالرشید توں تاں بہوں بے وقوف لکلا ایں۔ امہ پرانا دور نہیں۔ امہ تاں مومنہ کالا کرن دا دور اے۔ مومنہ کالا کر گھن پہچان آپ مٹ وکھی۔ وت عیش کر نہیں تاں آپنی پہچان بنا کے ایں دور وچ نہ جی سکس تے نہ مر سکس۔ ہن اگے تیلڈی مرے۔“

جمال صاحب دا امہ وار وی خالی گیا۔ ایہناں دی کوئی دلیل عبدالرشید دے پلے نہ پئی۔ جواب وچ او جمال صاحب کوں حدیث سناؤن لگا تاں جمال صاحب غصے وچ بولے۔

”مجھ دے آگوں بین و جاؤن آلی گالہ اے۔ تیلڈے آنگوں شفیق احمد دی کھلا ہئی۔ ساری زندگی آپنی ایمان داری کوں پھیندا رہیا جڈاں مرا تاں گھروں کوئی شے وی نہ نکلی۔ اگر اساں ترس کھا کے چندہ نہ ڈتا ہووے ہا تاں قبر تائیں وی نہ اڑے ہا۔ تیلڈا وی ایہو حشر تھیں۔“

امہ غنیمت ہئی جو جمال صاحب ہوراں عبدالرشید دی لغویات بہوں حد تائیں برداشت کر گھدی ہئی نہیں تاں دفتر دے کہیں بندے وچ اتنی ہمت کو تھی جو صاحب نال اکھ ملا کے وی گالہ کرے، سارے جانڈے ہن جو دفتر دے سارے وڈے افسر اوندی مٹھ وچ ہوندے ہن۔ جمال صاحب تے عبدالرشید دی بدکلامی دا چہ چا افسراں دے کناں وچ ہک ڈنہ آؤناں ای ہئی۔ ہک افسر تاں امہ سبھ کجھ سن کے غصے وچ آگیا تے اوں جمال صاحب کوں طلب کر کے ہدایت ڈتی جو ایں پاگل شخص توں جان چھڑوان کیتے جلدی نال مسالہ تیار کرو۔ پر جمال صاحب دور اندیشی دا ثبوت ڈیندے ہوئے آکھیا۔ ”جو کوئی وڈا نوالہ سنگھ وچ پھس و نچیں تاں پانی دے گھٹ پی کے اوں کوں سنگھ اچوں اتارنا پوندا اے جے امہ پاگل کہیں بھیڑے اخبار نویس دے ہتھیں چڑھ گیا تاں آپنی کماٹی اچ ہک ہور حصے دار دا وادھا تھی وکھی۔“

جڈاں کوئی افسر کئی اہم معاملے وچ عبدالرشید توں چہ ویندے تاں جمال صاحب

آکھدے۔ ”صاحب! حکم تاں افسردا ای چلدا اے۔ ہک ڈو کوڑی دے کلرک دی کیا اہیت اے اوندا کم تاں قلم کوں گھساونا ہوندا اے تے اوکوں گھسن ڈیو۔ ہک نہ ہک ڈ۔ تہہ اوندے قلم دی سیاہی مک ولسی۔“

ہن او وقت آگیا ہئی جڈاں عبدالرشید دے قلم دی سیاہی مکن آلی ہئی۔ اوکوں رٹارمنٹ پھانسی دے پھندے آنگوں لگدی پئی ہئی۔ ہولے ہولے او پھندہ اوندی گئی دے نیڑے تھیندا ویندا ہئی۔ رحم دے سارے بوجے بند تھی گئے ہن۔ ہک انجانے خوف توں اوندا جسم کنب گیا۔ او گھبرا کے ایویں اٹھ بیٹھا جیویں نیندر وچ کوئی بھیرا خواب ڈیکھ کھدا ہووے۔ اوندا مونہہ پسینے نال بھر گیا ہئی۔ واجدہ اوندی حالت ڈیکھ کے گھبرا گئی۔ ”اچانک تماکوں کیا تھی گیا اے۔ تہاڈی ٹیٹ ٹھیک اے؟“

”آں ہاں، نہیں میکوں کچھ نہیں تھیا میں ٹھیک ہاں۔“ اوں پھٹی ہوئی اکھیں نال واجدہ آلے پلے ڈیٹھا جیرہی آپنے بھوجھن نال اوندے متھے دا پھینہ پو بھیندی پئی ہئی۔ کچھ دیر بعد واجدہ بولی۔

کیوں ایویں سوچ سوچ کے آپنی جان ہلکان کریندے ہو؟۔ جے خدا چاہیا تاں سب کچھ ٹھیک تھی ولسی۔“ ”ہن کیا سوچتا۔ نوکری دے دادھے کیتے درخواست تاں ڈے چھڈی اے۔“ ”سچ آکھدے پئے ہو؟“۔ واجدہ اوں توں اگے کچھ ہور نہ آکھ سکی۔ کیوں جو اوں کوں ایویں لگا جیویں اوندی لاٹری نکل آئی ہووے۔ ”خوش کیوں تھیندی ہیں۔ کیا توں بھیندی ہیں جو درخواست ڈے چھڈی تاں کم وی بن ولسی؟“ ”تاں ہور کیا کرنا پوسی؟“۔ واجدہ دی اکھیں حیرانی نال پھیل گئیاں۔

”میڈے جگے وچ اج تائیں رشوت ڈیون دے بغیر اسہ رعایت کئی کوں وی نہیں ملی۔“

”تساں وی ڈے ڈیو۔ میں آپنے سارے زیور وچ ڈیساں“ ”واجدہ!“ او چیخا۔ ”جیس اج تائیں رشوت کوں بہوں وڈا گناہ سمجھا ہا۔ او رشوت ولسی۔“ گرج دار آواز سن کے واجدہ کنب گئی۔ اوندی اکھیں اچوں ہنھمں نکل آئے۔ کچھ دیر چپ رہون بعد اوں آکھیا۔ ”مجبوری کیا کم نہیں کرواندى۔ سوچا ہئی جو ہک سال نوکری وچ ہور وادھا تھی ونبھیں تاں ہک چھیر دے ہتھ پیلے تھی و سن پر لگدا اے ایہناں دی قسمت وچ کنوارے ای ہونا لکھا اے۔“



بھوچھن ٹال او آپنے ہنجوں پو نبھیندی ہوئی ڈوجھے کمرے وچ لگی گئی۔ گھردا  
 سارا ماحول اداسی وچ ائی۔ واجدہ دی آہواں وچ کچھ ہور آہواں عبدالرشید دے  
 کناں وچ آندیاں ہیاں ہن۔ ماں دے ٹال ٹال اونڈیاں چار چھیریاں دی روندیاں  
 ہیاں ہن۔ ایویں لگدا ائی جو او آپنی قسمت کوں بھڑا آہدیاں ہیاں ہن۔ ایہناں  
 وا کالا مستقبل ماں دی اکھیں اچوں ہنجوں بن بن ایویں ای واہندا رہندا ائی۔  
 عبدالرشید دی سوچاں بن جواب ڈے گئیاں ہن۔ زندگی وچ پہلی وار اوں کوں  
 ایویں لگا جیویں اوں آپنی ایمان داری دی جو عمارت کھڑی کیتی اے اونڈی ہر سلہ دی  
 جھاتے تک اتھرو اے تے اتھرو کدی پتھر نہیں بن سکدا۔ بوہے، درساں تے  
 باریاں سوی دی نذر تھئے ہوئے ہن تے سوی آلی کڑ تے اعتبار نہیں کیتا وچ سکدا  
 ہے؟

ڈوجھے ڈنہ عبدالرشید آپنی جیب وچ پنج ہزار روپیہ گھن کے جمال صاحب دی  
 کوٹھی آلے پاسے ٹریا۔

## کانڈ دی بیڑی

”سلیم پتر میں تیڈی پریشانی نہ ڈیکھ سکدی۔ ایہہ مونجھ چھڈ ڈے توں ایس حال  
 وچ کانڈ و سس تاں تیڈے جماعتی کیمہ آکمن۔ ایہہ وال دی ٹھیک کرگمن ایہناں  
 دولت دے پجاریاں دا خیال چھڈ خدا چنگی کرسی۔“ ظاہرہ بہوں ڈکھ نال آکھا ”میڈی  
 امڑی میکوں تیڈی قسم اے میکوں ایس گالہ دی کوئی پریشانی نہیں میکوں تاں اپنے  
 امتحان دی پریشانی اے۔ اج میڈا اکناکس دا پرچہ اے تے میتھوں کوئی خاص تیاری  
 نہیں تھی سگی دعا کر اللہ مہربانی کرے۔“ سلیم آکھا۔

”لکھ ہزار دعاواں میڈا پھر۔ جڈاں تائیں توں پرچہ ڈے کے نہ آسیں میں اپنی  
 چوٹی اپنے مونہہ اج پا کے اپنے رب توں دعا کردی رہساں تے میکوں یقین اے جو  
 میڈا رب فضل کرسی تے پرچہ چنگا تھی ویسی“ پر میڈا وی دل خیرا گیا اے۔ بھرا تے  
 بھرجائی دیاں گالھیں سن کے میڈا تاں دل لیل تھیون لگا ہئی۔“

”امڑی ایہو جیسی گالھیں ہونڈیاں رہندیاں ہن۔ فکر نہ کر بھین بھرا دے رشتے  
 دی دولت دی تگوار کٹ ڈیندی اے۔ میکوں بی اے کرن ڈے وت رب کوئی ہو رہوہا  
 کھول ڈیسی۔“

میں ایسا گالہ امجد بھرا کوں آکھی تے اوں آکھا ایہہ ڈکریاں کانڈ دیاں بیڑیاں  
 ہونڈیاں ہن ایہہ اج کل نہیں تر سکدیاں جو ترن وی تاں بہوں جلدی بڑ ویندیاں  
 ہن۔

او تاں عدنان دے چکر اج آئے دے ہن۔ خبر نہیں او عدنان کیہڑا کم کریندا  
 اے ہاراں لکھ دی تاں اوں کوٹھی گھدی اے۔ اونڈی کاروی اے تے امجد بھرا آہدا  
 پیا ہا جو میڈی دھی پیش کرسی۔

میں حیران ہاں منگ تروڑ دیاں اوں کوں اپنی بھین دا وی خیال نہ آیا۔ اونڈی ہکا  
 بھین ہم میں اوں کوں موئے ہوئے ماں پو دا واسطہ ڈتا۔ بھلا اوں آکھا  
 ”ظاہرہ کھلیاں گالھیں نہ کر ماں پو دا فرض اے جو اولاد کان چنگا مستقبل چھڈ



جاون میں تیلے پتر سلیم دی بی اے آلی ڈگری کون چٹا اے۔ ایم اے اجکل دھکے کھاندے دے ہن۔ میں اپنی دمی کون بارش وچ کانڈ دی بیڑی تے نہیں چڑھا سکدا۔

پتر اسہ عدنان کون اے؟

”ماں جی! میں بہتا کچھ نہ جاندا اسہ ساڈے آنگوں کیں معمولی گھر دا بندہ ہا۔ ساڈے تیل میٹرک اچ پڑھا ہا۔ ترائے واریں فیل تھیا۔ وت دا میکوں نہیں پتہ کوئی کاروبار کریندا ہوسی میں نہ جاندا۔ اچھا میکوں ہن کالج وچن ڈے تے توں وی گزری لنگھی تے مٹی پامچنڈ تے اپنے اللہ کون یاد کر۔“

پتر میں تاں غزالہ تے حیران ہاں اوں وی عدنان ولوں آئے ہوئے کپڑیاں دی وڈی بے شرمی ٹال تعریضاں پئی کرے۔ ہک خالد محترجے ساڈے حق اچ گالہ کہتی بھلا ماں پو اوں کون پے گئے۔ ”تیں کیسہ کھتا اے ایف اے کر کے ہک دفتر اچ کلرک لگا ایں۔ مار مار کے ہن مس ستواں سکیل ملا اے۔ تیلڈی شادی تاں تھی گئی اے پر تیلڈی تنخواہ ٹال ڈوجھی وی نہیں ملدی اوں کون کپڑے تائیں اسل گمن ڈیندے ہاں۔ تیلڈی ایف اے آلی کانڈ دی بیڑی ایویں ودی تردی اے جو ہن بڑی کہہ۔“

”ماں جی! بس چھوڈ وی ا۔ تنہا دے قسے مینوں دیر پئی تھیندی اے۔“ سلیم پین وچ سیای بھری تے پشنا تھ وچ گمن کے ٹرپا تے طاہرہ اپنے ڈکھڑاں دی کتاب پھول کے بہہ گئی تے سطر سطر کے مطالعہ کرنا شروع کیتا۔

طاہرہ تے امجد ڈوں بھین بھرا ہن۔ امجد وڈا تے طاہرہ گئی ہئی۔ ا۔ تنہا دے پو دی ہک کی جیسی کپڑے دی ہئی ہئی۔ وقت لنگھدا گیا وت اسہ ہئی ود حدیاں ود حدیاں بازار دیاں چنگیاں بیٹیاں اچوں شمار ہون لگی۔ اونڈے ماں پو ڈوہائیں بالاں تے جند جان قربان کریندے ہن۔

امجد پڑھائی وچ اٹھویں تائیں مس چل سک۔ اٹھویں اچوں فیل تھیا تاں پو اوں کون اپنے ٹال دکان تے بلا سکدا پڑھائی چھٹ گئی۔ طاہرہ کون تاں سکول دا بوہا وی کیں نہ ڈکھایا وت ڈوہائیں دی شادی تھی گئی۔ طاہرہ دا گھر آلا اکرم ہک پرائمری سکول وچ ٹیچر ہئی۔ ا۔ تنہا دے پتر تھیا سلیم تے وت اکرم کون کینسر تھی گیا۔ او وچازا اپنے بچوں پڑھدے پتر کون کرلانا چھڈ کے مر گیا۔

امجد دے ڈوں ہال ہن خالہ تے غزالہ۔ خالہ ایف اے کر کے ہک دفتر اچ کلرک  
تھی گیا تے غزالہ ہن میٹرک کریدی پئی ہی۔ اکرم اپنی زندگی دے آخری ڈ۔ نہ اچ  
سلیم دا ہتھ امجد کوں نپا گیا ہا تے اوں غزالہ تے سلیم دی مگنی دی مکی جیسی خوشی ڈنھی  
ہئی۔

اج او خوشی ختم تھی گئی۔ امجد، اپنی غریب تے محلے دے ہالاں کوں قرآن پڑھا  
کے روٹی دا خرچہ چلاون آلی بھین کوں لھکرا ڈتا ہی۔

ظاہرہ کوں امجد سبھ کجھ یاد آندے ای اوںدا دل لہو دے سمندر وچ بڈن لگا۔  
وت اوں ساری گالھیں کوں ذہن توں کڈھ کے اپنے پتر کان دعا کرن لگ وئی  
زندگی وچ پہلی وار اوںدے پتر اکھا ہا۔

ماں جی! میکوں ایس پرپے دی فکر اے میں ایندی کوئی خاص تیاری نہیں کیتی۔  
باراں وجے سلیم واپس آگیا ماں دیاں دعائیں اثر کیتا پرچہ توقع توں بہوں چنگا تھیا ہا۔

----- ☆ -----

بیسرے ڈ۔ نہ، سلیم داپی اے دا نتیجہ آیا اوں ڈ۔ نہ غزالہ دی شادی تھی گئی۔  
سلیم یونیورسٹی اچوں فیسٹ آیا ہا تے امجد پیا سوچیندا ہا جو اچ اوںدی غزالہ پورے  
پاکستان وچ فیسٹ آگئی اے۔ جو اوں کوں عدنان جیہا دولتمند خاوند مل گیا ہا۔

خالہ اول ڈ۔ نہ شادی توں فارغ تھی کے سلیم کوں مبارک ڈیون آگیا۔ ظاہرہ  
عجیب طراں دے جذبات نال دوچار ہی۔ او خوش تھیوے کہ رووے۔ خالہ اپنی  
شرمندگی دا اظہار کیتا تاں ظاہرہ پھٹ کے رون لگ پئی جیویں اوںدے دل فیصلہ کر  
چھڈا جو امجد خوشی دا نہیں ماتم دا ڈینہ، اے کیوں جو اچ بھین بھرا دی روایتی محبت دا  
جنازہ اٹھی گیا ہی۔

سلیم کوں اوںدے ساتھی مبارک ڈیون آندے پئے ہن۔ وت کلج دے پر پھل  
آپنے شاف دے اٹھ ڈاہ ممبراں نال مبارک ڈیون آگئے۔ امجد سلیم کان بہوں وڈا  
اعزاز ہا جو ہر ممبر کول مٹھائی دا ڈبہ ہی۔

سلیم دیاں اکھیں وچ خوشی دے ہنجوں تاریاں آر نہن لگ پئے۔  
"سر! میکوں پوزیشن گمن دی اتنی خوشی نہیں جتنی تہاڈے غریب خانے تے  
آون دی اے" اوں بہوں عاجزی نال اکھا۔



”پتر تمی ساڈے کالج دا ناں روشن کیتا اے۔ تمی ساڈا مان ودھایا اے خدا  
تیکوں ہور دی خوشیاں ڈکھاوے۔“

پر نسل ہوراں آکھاتے ناں ای اوہناں مشورہ ڈتا۔ سلیم یونیورسٹی تیکوں وڈے  
دھنپے پیش کر لسی بھلا میڈا خیال اے توں سی۔ ایس۔ ایس کر گھن۔ توں جُٹ کے  
پڑھائی کر تیتڈے اخراجات دا بندوبست اسان اہمہ سوچا اے جو توں ٹیوشن پڑھایا کر  
اسان کجھ کھاندے پیندے چھوراں کوں اکھیاں توڈوں کھنٹے لا کے گزارے جو کے کما  
گھنیں۔ پر نسل صاحب دی اہمہ گالہ سلیم دے دل لگ گئی۔

----- ☆ -----

سلیم دی پر نسل ہوراں بہوں مدد کیتی ہر معاملہ وچ ایہناں راہنمائی کیتی تے آخر  
سلیم سی۔ ایس۔ ایس بہوں چنگے نمبراں اچ کلیر کر گھدا۔

طاہرہ دے جیویں زمین تے پیر ناہن لگدے۔ خالد دا چہرہ دی خوشی ناں چمکدا پیا ہا  
تے وت اوڈ۔ نہ دی آہیا جو سلیم ”اے سی“ سیلیکٹ تھی گیا۔

جیس ڈ۔ نہ اوندی سیلیکشن دا نتیجہ نکلا۔ اوں ڈ۔ نہ ہک ہور نتیجہ دی نکلا۔  
عدنان دے گھر چھاپے پاتے بہوں ساری ہیروئن نہی گئی۔

ڈوجھے ڈ۔ نہ دے اخبار وچ وڈیاں سرخیاں ناں اہمہ خبر چھپی۔ جو عدنان دا  
سمگلراں دے ہک وڈے گروہ ناں تعلق ہا۔ عدنان اوہناں اتے تھہ رکھن آلا ہا۔

ایں گروہ دیاں سرگرمیاں دی تفصیل ناں اخبار بھرا ہویا ہئی۔ ایڈیٹراں خبر اتے  
اداریہ لکھاتے اوں مطالبہ کیتا ہا جو ”زہر دے ا۔ نہاں وہاریاں کوں چٹے دھاڑے

گولی ماری ونجے ا۔ نہاں قوم دے نوجواناں کوں تباہ کیتا اے۔“

سارے اخبار ایہناں ہی تفصیلاں ناں بھرے ہوئے ہن۔

عدنان کوں پس دی مار پئی تاں اوں ساری کمائی کھول کے ڈس ڈتی تے اہمہ  
کمائی بیج کالی سرخیاں ناں لگی۔ ایہناں ہی اخباراں وچ ہک سنگل کالی خبر دی ہئی۔

اہمہ خبر اوہناں آدمیاں دے بارے ہئی جیہناں کوں ”اے سی“ تعینات کیتا گیا ہا۔  
ا۔ نہاں اچ ہک اہمہ ناں وی لکھا ہویا ہا۔ ”محمد سلیم ولد محمد اکرم“

عین اوں ویلے جدوں سلیم اہمہ اخبار پڑھدا پیا ہا اوں کوں سرکاری طور تے تقرر  
نامہ وصول تھیا۔ او اخبار تے تقریر نامہ سنبھال کے بھدا بھدا گیا تے ماں دے قدماں

”ہاں جی! آج کانغذ دی بیڑی تر گئی اے میں تیڈی دعاواں نال ”اے سی“ بن گیا  
 آج ڈھیر پیا۔“



## سیاست دا کھیڈ

”میڈے بھراؤ! اساں سارے پاکستانی ہائیں۔ پنجابی، سندھی، بلوچی، سرائیکی، بھارتی، پٹھان سارے ای پاکستانی ہائیں۔ ذات پات، نکاوڑا ایہہ سبھ اساڈیاں بنائیاں ہوئیاں کندھاں ہن۔ راجپوت، سید، ملک، چودھری، خان، میراثی تے پاؤلی۔ ایہہ ساریاں گالھیں ہن۔ اساں سارے انسان ہئیں۔ اساں سارے بھین بھرا ہئیں۔ جڈاں اساں سارے کو کجھ ہئیں تاں وت ایہہ فرقے، نسل تے لسان و سکرا کیوں؟

ایہہ سارا دشمن دا ساڈے سوہنے دیس اچ کھلاریا ہویا زہرا ہے۔ تاں سارے ہک ڈونجھے نال پھیلی ہوئی نفرت کوں بھل ونجو۔ ہک ڈونجھے دی عزت کرو۔ ہک ڈونجھے نال محبت کرو تے ملک دی ترقی کان محنت کرو۔ جے تاں میڈی گالھ تے عمل کیتا تاں کوئی وجہ نہیں جو اساڈا دیس ایس زمین اتے جنت دا ہک ٹوٹا نہ بن ونجے۔“ ایہہ چنگیاں چنگیاں گالھیں۔

خان ارشاد حمید خان سابق ایم۔ پی۔ اے اپنے انتخابی حلقہ دی سٹیج تے کھڑا تھی کے کرینڈا پیا ہا۔ اونڈی کچی پھلاں نال جھکی ہوئی ہئی ہر پاسوں تالڑیاں دی گونج ہئی تے خان ارشاد حمید خان۔ زندہ باد دے نعرے لگدے پئے ہن۔

خان ارشاد حمید خان اپنی تقریر مکاؤن توں بعد ایہہ آہدے ہوئے اپنی کار آلے پاسے ٹر پئے۔ ”ہن میکوں اجازت ڈیو۔ ہن میں ڈونجھے جلے اچ ونجنا اے۔“

لوک آہدے پئے ہن۔ خان ہوراں بسوں چنگے تے غریباں نال محبت کرن آلے انسان ہن۔ انہاں کوں ساڈا کیدا فکر اے۔ ایہہ خان ہو کے دی کئی قوماں آلے بندیاں کوں اپنے برابر سمجھندے ہن۔ پر خان ارشاد حمید خان اپنی کار اچ بہرے کے انہاں کوں بیزاری تے نفرت نال ڈیندے پئے ہن۔ ایہناں اپنی جیب اچوں پرفیوم دی شیشی کڈھی تے اپنے تک نال لا گھدی۔ او پورا ہک گھنٹہ گندے نالے دے نال آلی وستی اچ تقریر کر کے ویندے پئے ہن۔ تے انہاں دا موڈ خراب تھی گیا ہا۔

شاہد حمید خان دریا تے صائمہ نال بیٹھا ہویا ہا۔ صائمہ اوں کوں اداسی نال ڈیہدی پئی ہئی۔ ”آخر توں اتنے ڈنہ کتھاں ہائیں دے شاہد؟“ ”میں آپنے پو نال انتہائی مہم اچ لگا رہیا ہاں۔“ ”توں آپنی ماں نال شادی دی گالہ کیتی اے؟“ ”نہیں، میں کئی مناسب وقت دے انتظار اچ ہاں۔“

”شاہد توں سنجیدگی نال کیوں نہیں سوچیندا۔ میڈا پو میڈی شادی آپنی برادری اچ کرنا چاہندا اے۔ کل راتیں جڈاں میں آپنی ماں تے پو دی گالھیں سنیاں تاں میڈی جان نکل گئی۔ تیکوں فکر دی نہیں۔ توں صاف آکھ ڈے نہ جو میں تینڈے نال شادی نہیں کر سکدا کیوں جو ساڈے دھالے ذات پات تے کئے وڈے آلی کندھاں ہن۔“

کچھ دیر او چپ بیٹھا رہیا۔ وٹ اوں آکھا ”صائمہ میکوں ڈو ڈنہ دی مہلت ڈے میں گالہ کریاں۔“ اگلے ڈنہ شاہد حمید خان آپنی ماں کو آکھا۔ ”ماں میں صائمہ نال شادی کرنا چاہندا ہاں۔“ ”صائمہ کون اے امہ کیہڑے خان دی دھی اے میکوں تاں ڈس؟“ ”او کھیں خان دی دھی نہیں۔ اوندا پو سکول ماسٹر اے تے اوں دی ذات میراٹی اے۔“

”پر تینڈا پو ذات کوں بہوں جاندا اے۔ تیکوں امہ نہیں پتہ اوں ویلے توں بہوں نکا ہائیں۔ تینڈے پو دی بھین سیمیں کیتے برادری وچ کوئی چھور نہ ملا تاں او چالھی سالوں دی تھی کے پرئی ہئی۔“

”اماں امہ ساریاں پرانیاں گالھیں ہن۔ زمانہ ہن اتہاں کوں بھکرا کے بہوں اگے ودھ گیا اے۔ ہن تاں میڈا پو وی ذات پات کون نہیں مندا۔ کل ای تاں او شہر دی کچی آبادی وچ آہدے پئے ہن جو سارے انسان برابر ہن۔ کوئی نکا وڈا نہیں امہ ساریاں گالھیں پرانے زمانے دیاں ہن۔“

”میڈے پتر تیکوں نہیں پتہ امہ ساریاں گالھیں سیاست دیاں ہن۔ اتہاں دا عملی زندگی نال کوئی تعلق نہیں تے امہ کیویں ہو سکدا اے جو ہک خان دے گھر میراٹی دی دھی آوے۔ تینڈا پو ایس گالہ تے کڈا نہ وی راضی نہیں تھی سکدا۔“

”اماں جے میڈے پو میڈی شادی صائمہ نال نہ کیتی تاں اسماں کورٹ اچ وچ



کے شادی کر گمنوں۔

”تیڈا پو تہاکوں گولی مار ڈیسی یا وت تیکوں اپنی جائداد توں پاڑ خلی ڈے  
ڈیسی۔“

”نہیں لال بھانویں کجھ تھی ونجے میں صائمہ نال شادی کریاں۔“

”توں کیوں ساڈی عزت مٹی وچ ملاوٹا چاہندا ایں۔ تیڈا پو الیکشن لڑا پیا اے او  
الیکشن ہر ویسی۔ اوڈی ہاں چمکے ہوئے آکھا۔ شاہد حمید خان چپ کر کے اپنے  
کمرے وچ لگا آیا او ساری رات سلگدا رہیا۔ اوڈی اکھیں توں نیندر بہوں دور ہی۔  
اون کھڑا تھی کے کھڑکی کھول ڈتی۔ تازہ ہوا دے نال باہر دا اندھارا وی اندر وڑ آیا۔  
اون کون ایویں لگا جیویں او کیں اندھے کھوہ اچ قید ہووے۔ اون گھبرا کے  
اکھیں نوٹ رکھدیاں وت ساری رات صائمہ دا چہرہ اونڈیاں اکھیں اچ رہیا۔

سویرے ناشتے دی میز تے خان ارشاد حمید خان اپنے پترکوں آکھا۔ ”میں تیڈے  
کان سیٹھ شفیق خان دی چھیریا سمین کوں منگ گھدا اے۔ تیڈی ہاں کوں چھیروی  
پند اے تے امہ سزاگن امہ میڈا آخری فیصلہ اے۔“

”امہ تاں کیہ آہدے پئے ہو۔ سیٹھ شفیق خان دی چھیر نال میڈی شادی؟۔  
او تاں کالا دھندا کریندا اے تے اوڈی چھیریا سمین وی میکوں پند نہیں۔ میکوں  
صائمہ پند اے۔ اوہناں دی ذات تے اوڈے پو توں اساں کجھ نہیں گھستاں۔ میں  
صائمہ نال شادی کریاں تے میں اوڈے بغیر زندگی دا تصور وی نہیں کر سکدا۔“

”نہیں تیڈا امہ خواب کڈا نہ پورا نہیں تھی سکدا۔ توں خان دا پترتے او ہک  
میراٹی دی دھی۔ توں اوڈے نال شادی کر کے اپنے خاندان دی بے عزتی کرو۔ پس۔  
ساج اچ ساڈی پوزیشن خراب تھی ویسی۔ امہ میڈا آخری فیصلہ اے۔ میں الیکشن  
توں فارغ تھی کے تیڈی شادی یا سمین نال کر ڈیاں۔“ امہ آکھ کے خان ارشاد حمید  
خان تھے اچ باہر نکل گئے۔

ترتے ڈے نہ خان ارشاد خان اپنے انتہائی جلے اچ دیندے پئے ہن جو اوہناں  
دے ڈرائیور اوہناں کوں آن ڈسایا جو شاہد خان ہوراں صائمہ نال کورٹ اچ شادی کر  
کیدی اے۔

”کیہ سکدا ایں۔“ خان ہوراں غصے اچ کھڑے تھی گئے۔ ”جی ہا سرکار اوہناں



شادی کر کھدی اے تے اجہہ سکے خان تماڑے کان خط گھلیا اے۔“  
 خان ارشاد حمید خان خط کون پڑھ کے اوندے ٹوٹے ٹوٹے کر ڈتے تے اول اپنی  
 زال کون آکھا۔ ”ہن اوندے کیتے ایں گہراج کوئی جہاہ نہیں۔“

”او میکوں دھمکی ڈیندا اے جو میں اول میراٹی دی دھی کون اپنی نونہ نہ مناں  
 تاں او میڈے حلقے دے دوڑاں دے اکوں امہ مسئلہ پیش کرنی جو میں ہک میراٹی دی  
 دھی نال شادی کیتی اے تے میڈا پو اوں کون اپنی نونہ میں مندا تے ایویں تال  
 الیکشن ہر ویسہ۔ خان ہوراں دی زال اوہناں کون بھیندے ہوئے آکھا۔

”چھور بھوں خدی اے جڈاں ہک چھیر دے پچھے اوں ساکوں چھوڑ ڈتا تاں او  
 امہ کم وی کر ڈیسی تال غتے اچ نہ آؤ۔ جو تھیونا ہا او تال تھی گیا۔ تال الیکشن دی  
 لڑا اے تے ایں وار تماڑے مقابلے اچ ڈو ڈوے دڈے امیدوار ہن۔ تال ایں وار  
 جے جت گئے۔ تال تماڑا خسر بن و فجن دا وی چانس اے۔ آپنے خواہاں دی تعبیر کیتے  
 تماکوں قربانی تال ڈیونی پوسی۔ تال صائمہ کون نونہ من گھن۔ ایں حلقے دے غریب  
 دوڑ تماکوں ایں وجہ توں وی ووٹ ڈ جہن جو تال کہیں کون نکا دڈا نہیں بھیندے  
 سکوں غریباں نال محبت کریندے ہو۔“ خان ارشاد حمید خان کجھ دیر تال خلا اچ  
 ڈیندے رہے۔ خسر بن و فجن دا خواب اوہناں دے ذہن اچ ہک عرصہ توں سبدا پیندا  
 ودا ہا تے امہ ہک چنگا تے سنہری موقعہ ہا۔ جے او امہ الیکشن ہر ونجے تال اوہناں دا  
 خواب ترث ونجے ہا۔

”توں ٹھیک پئی آہدی ایں۔ غریب تے بے وقوف عوام دا احمق حاصل کرن دا  
 ایں توں چنگا موقعہ کیڑا اے تے ایں وار مقابلے اچ امیدوار وی مضبوط ہن۔“  
 وت خان ہوراں ڈرائیور دے ہتھ امہ ہنیا کھل ڈتا جو او صائمہ کون نال گھن  
 کے گھر آ سکدا اے پر ایں شرط نال جو تال کوٹھی دے ہک الگ حصے اچ رہو۔  
 اگلے ڈنہ اخباراں اچ ایس خبر دی وڈی سرخی لگی ہوئی ہئی۔

”شر دے ممتاز سماجی کارکن۔ سابق ایم پی اے تے امیدوار صوبائی اسمبلی خان  
 ارشاد حمید خان آپنے پتر دی شادی شر دے ہک میراٹی دی دھی نال کر ڈتی اے۔“  
 سارے شراج خان ارشاد حمید خان دی روشن خیالی تے عوام دوست ہون دا  
 جچا ہا۔ ہر پاسے اوہناں دی تعریف تھیندی پئی ہئی تے ہر دل اچ اوہناں دی عزت



دودھ گئی ہے۔

—



انسٲل چوہان ، بھٹو

0333-6849455